


*Awig-Awig
Desa Pekraman Ngiris*



DESA TRI BUANA KEC. ABANG
KABUPATEN KARANGASEM

2008

Munfa Cita

Om Swasti Astu

Inggih Jero Mangku sane suciang titiyang, kenten taler para pengelingsir Banjar, Dadia lan tokoh masyarakat sane wangiyang titiyang, melarapan sakjng sifi tur asung kerta wawentugara Ida Jesuunan sane melingge ring Ksiyangan Tiga, awig-awig karadinan sareng-sareng puniki presidida kepuputan, mekehkrang kiranngane pungkuran jagi ketegapan antuk perarem.

Kantukan asapunika, titiyang nunas ring jero krama Desa sami, ngiring mangiyang daging awig awig puniki sekadi patutne, rintukan awig-awig puniki jagi anggen titi pengancang ring Prajuru Desa ngelaksana yang swadarma dados Prajuru Desa.

Dumogi melarapan awig-awig sane mewasta : "Awig awig Desa Pakraman Ngis" puniki sane sampun kesungkumin krama Desa lan Prajuru Desa sami, meresidayang ngemanggihin kemahajengan sekala niskala manut sekadi petitis sane kesuratang ring awig-awig-awig puniki.

Titiyang Pengelingsir Desa Pakraman ngaturang sukzemanis manah pang banget majeng ring Jero Mangku Ksiyangan Tiga, Jero Mangku Dadia, kenten taler para pengelingsir Banjar, Dadia lan tokoh masyarakat, sane sampun akweweh ngewantu pikendh lan paritakjana sane daat utama pisan.

Inggih akadi nika titiyang meatur-atur, domogi Ida Sang Hyang Widi Wasa ngicenin wara nugraha, mangde awig-awig puniki meresidayang memergi antar lan memanggihin pikobet. Finih untat lugrayang titiyang ngaturang parama santi Om santih - santih - santih - om.

Bendesa Adat

Ngis, Maret 2008
Penyarikan.

I Ketui Dene

I Wayan Putu Supartha Antara



LAMBANG DESA PAKRAMAN NGIS :

I. Artin ipun sekadi ring sor puniki :

1. Lambang punika kekelilingin antuk 3 (tiga) garis lingkaran sane bulat, lan ring tengah-tengah lingkaran bulat punika kdasarín antuk warna biru langit, sukseman nyane :



3 Garis lingkaran, artin nyane kebulatan semangat jero krama Desa, jagi ngardi wewangunan Desan nyane kdasarín antuk pikayunan sane becik, parilaksana sane becik lan bebaos sane sampun kecumponin ring paruman. Manut sane kabawos kecaping sastra agama Tri Kaya Parisuda.

- Paling pinggir garis lingkaran bulat punika mewarna barak (bang), agak ke jero malih garis lingkaran bulat punika mewarna putih lan lebih kejero malih garis lingkaran nyane mewarna selem : Garis lingkaran bulat sane putih pinih agengnge yang bandingang ring garis lingkaran bulat sane mewarna barak lan selem, artin nyane :

Saluwiring wewangunan ring sewengkon Desa Pakraman Ngis, jero krama Desa tetep nginggilang falsafah sane kebaos " Tri Hita krana " tur lebih ngutamayang genah lan wewangunan suci, dibandingkan wewangunan siosan.

- Wama biru langit, sukseman nyane ngupadiyang mangda jero krama desa tetep ngaptiyang cita-cita sane pinih agunge. Melarapan cita-cita puniki dumogi semangat nyane ngaruruh pengupa jiwa kewekas sayan ngagengang.

2. Padi kapas sane keiket antuk 5 siki gelang-gelangan sukseman nyane :

- Padi kapas, perlambang kerta rahaja, Prajuru Desa tan surud-surud ngutsahayang ngawerdiyang kawicaksanaan minakadi kapradnyan maka larapan gumawe gemuh landduhing praja.



- 5 Siki gelang-gelang punika, perlambang 5 diri Prajuru Desa nyikiyang manah kayun nganter lan ngenter jero krama desa mangda manghin kerahayuan melarapan antuk Panca Seradha.

3. Cupu ring muncuk bukit kembar, sukseman nyane :



- Cupu medaging tirta amerta ring tungtung gunungge, sukseman nyane jero krama desa sane jagi ngererh sane mewasta amerta kedarin antuk usaha sane becik manut kecaping sastra agama, desa kala patra. Lambang bukit kembar nyinahyang antuk genah linggih Desa Pakraman Ngis ring sisi bongkol kauh/kulon bukit Lempuyang.

4. Candi Gelung, maka simbul budaya Bali kesungkemin genah suci krama desa ngastiti bakti ring Ida Sang Hyang Widi, antk pasuwecan Ida kantos meresidayang ngemanggihin kerahayuan sekala niskala.



II. Moto : Huruf yang tersusun pada lambang tersebut " *Saka Tiling Ambek Tan Wiartan Dadi Kapitut*" sukseman nyane :

- Sake tiling : Saluwiring sane keaptiyang utawi tatujon,
 Ambek : Pikayun sane kantun ring sejeroning garba utawi cita-cita,
 Tan wiartan : Tan kapiambeng utawi pastika,
 Dadi kapitut : Ngemanggihin kerahajengan.

Dadosne sukseman keruna lingga ring ajeng punika, saluwiring sane jagi keaptiyang ring sejeroning manah utawi kayun pastika ngemanggihin kerahajengan.

PIDAGING
BANTANG AWIG-AWIG DESA PEKRAMAN NGIS

MURDA CITA	i
LAMBANG DESA PAKRAMAN NGIS	ii
PIDAGING BANTANG AWIG-AWIG DESA PEKRAMAN NGIS	iv
PRATAMA SARGAH : HARAN LAN WEWIDANGAN DESA	1
DWITYA SARGAH : PAMIKUKUH LAN PATITIS	2
TRITYA SARGAH : SUKERTA TATA PAKRAMAN.....	3
Palet 1 : Indik Krama	3
Palet 2 : Indik Unagi	7
Palet 3 : Indik Sekehe Gambang	8
Palet 4 : Indik Pecalang.....	8
Palet 5 : Indik Prajuru.....	8
Palet 6 : Indik Sangkepan utawi Paruman Desa	11
Palet 7 : Indik Kukul.....	13
Palet 8 : Indik Druwen Desa	14
Palet 9 : Indik Laluputan.....	15
CATUR SARGAH : SUKERTA TATA PALEMAHAN.....	16
Palet 1 : Indik Karang, Tegal lan Bangket.....	16
Palet 2 : Indik Pepayonan.....	19
Palet 3 : Indik Wewangunan	21
Palet 4 : Indik Wewalungan	22
Palet 5 : Indik Medil, Meboros lan Meboros	24
Palet 6 : Sukerta Pamitegep	25
Kaping 1 : Pamidanda miwah Dedosan	25
Kaping 2 : Indik Bhaya	25
Kaping 3 : Indik Rerampagan.....	26
Kaping 4 : Indik Penyanggra Banjar.....	27
PANCAMA SARGAH : SUKERTA TATA AGAMA	28
Palet 1 : Indik Dewa Yadnya	28
Kaping 1 : Indik Khayangan.....	28

	Kaping 2 : Indik Pengaci - Aci	28
	Kaping 3 : Indik Pemangku	30
	Kaping 4 : Indik Sukertan Pura Khayangan.....	31
	Kaping 5 : Indik Cuntaka miwah Sosot.....	32
	Palet 2 : Indik Resi Yadnya	35
	Palet 3 : Indik Pitra Yadnya	35
	Palet 4 : Indik Manusia Yadnya	39
	Palet 5 : Indik Bhuta Yadnya	39
SAT SARGAH	: SUKERTA TATA PAWONGAN	41
	Palet 1 : Indik Pawiwahan	41
	Palet 2 : Indik Belas utawi Nyapihan	43
	Palet 3 : Indik Balu	44
	Palet 4 : Indik Sentana	44
	Palet 5 : Indik Warisan.....	45
SAPTAMA SARGAH	: WICARA LAN PAMINDADNDA	48
	Palet 1 : Indik Wicara	48
	Palet 2 : Indik Pamindanda	48
NAWAMA SARGA	: PAMUPUT	49

PRATAMA SARGAH
HARAN LAN WEWIDANGAN DESA

Pawos 1

1. Desa puniki mewasta "*Desa Pakraman Ngis* ", selantur ipun kinucap kalih kasuratang lekita "*Desa Ngis*"
2. Desa Ngis kemanggehang merupa Desa Roban, inggih punika sapesira ugi sane megenah ring wewidangan Desa Pakraman Ngis tur sampun bulangkep, wenang tedun mekrama Desa.
3. Wawengkon prabuyam Desa Ngis mewaneng nyatur Desa, manut sekadi kinucap ring sor puniki:
 - ha. Tepi siring wetan /kangin : Desa Purwa Ayu mawates antuk Tukad Bangka,
 - na. Tepi siring kidul / kelod : Desa Pakraman Basang Alas.
 - ca. Tepi siring kulon/kauh : Banjar Magetelu Desa Pakraman Tista, mewates antuk tukad melanting
 - ra. Tepi siring lor /kaler : Desa Pakraman Tista lan Desa Pakraman Gulinten.
4. Desa Pakraman puniki kewangun antuk karang Desa utawi gebogan krama, turmaning mepahan dados kalih Banjar luire :
 - ha. Banjar Pakraman Adat Ngis Kaler.
 - na. Banjar Pakraman Adat Ngis Kelod.

DWITYA SARGAH
PAMIKUKUH LAN PATITIS

Pawos 2

Desa Pakraman Ngis ngemanggehang pamikukuh lan nindihin pisan :

- ha. Pancasila
- na. Undang-Undang Dasar 1945.
- ca. Tri Hita Karane manut sada cara Agama Hindu.
- ka. Dresta lan bisama

Pawos 3

Desa Pakraman Ngis ngemanggehang patitis tatujon, luire ipun :

- ha. Ngutamayang tata maagama Hindu,
- na. Ngawangun katreptian sajroning Desa pakraman, mangda kasiddhan rajeg katreptyaning praja.
- ca. Ngawerdiyung kawicaksanaan minakadi kaprajnanan maka larapan gumawe gemuh landuhing praja.
- da. Ngamanggehang kalih ngawerdiyung dreweyaning desa, majalaran kawicaksanaan guna laksana manut dharma prawerti.
- ta. Ngerajegang dharma agama miwah dharma Negara.

TRITYA SARGAH
SUKERTA TATA PAKRAMAN

PALET 1

Indik Krama

Pawos 4

1. Sane kasinanggeh Krama Desa inggih punika kulawarga sane meagama Hindu wed saking Desa Ngis tur sampun mepil ring Desa. Liyanan ring punika kasinanggeh krama tamiyu.
2. Pepalihan pakraman kadi hinucap ring sor puniki :
 - a Krama Desa :
 - ha *Krama marep*: krama desa sane bulangkep tur sampun mipil ring Desa, saha maayahan saurah-arih.
 - na *Krama sasabu* : inggih punika krama desa sane durung mipil ring Desa, sekadi teruna krandan, truna tua, dehe tuwa tur kantun kakuub antuk krama marep.
 - ca *Krama panada* : krama desa sane tan kené ayahan lwire :
 - 1) Krama nganeh : krama desa lanang wiadin istri sane ketinggal seda antuk rabine, krama desa lanang kekawonin antuk rabine, balu camput utawi balu mesentana.
 - 2) Krama nyada : krama desa sane sampun mayusa rangkungan ring 75 (pitung dasa lima) warsa.
 - 3) Krama nyaluk sepisan : krama sane mabukti sungkan-sungkanan rahat tur tan siddha waras.
 - ra. *Krama nyodo/ngapel* inggih punika : Krama desa sane bulangkep tur sampun mipil ring Desa megenah ring dura Desa utawi. megenah ring sawongkon Desa pakraman Ngis, nanging pengupa jiwane nyane dados : Pegawi Negeri, Polisi, Tendra, karyawan perusahaan sane madruwe kantor.
 - ka. *Krama Teruna Kerandan* : Krama desa sane madruwe oka lanang sesampune mayusa 17 (pitulas) ngantos 35 (patsasur) warsa utawi oka istri sesampune mayusa 15 (limolas) ngantos 30 (tigang dasa) warsa.
 - da. *Krama Pengencal* : Krama bulangkep sane wed sakeng desa pakraman Ngis, megenah ring dura desa tur sampun matur tupeksa ring Prajuru Desa.
 - ta. *Krama prawayah* : krama sane sampun balu tur baki.

3. **Krama Tamiyu.** inggih punika krama sane kinucap ring sor puniki :
 - ha. Sang sapa sira ugi anak saking duradesa sane sampun jumenek tan ngawengku karang pomahan, medunungan ring paumahaning krama Desa , magenah ring pomahan druwen guru wisesa ring wewidangan Desa Pakraman Ngis, lintang ring tigang (3) sasih utawi 105 dina.
 - na. Sang sapa sira ugi anak saking duradesa makakubon ngenahin palemahan tegal, alas, ring wewidangan Desa pakraman Ngis, nanging kantun manggeh makrama desa ring kawulan desannya, kabuktiyang antuk sewala patra sasalahan saking keliyang Desanyane.
 - ca. Sang sapa sira ugi anak saking duradesa magenah ring wewidangan Desa Pakraman Ngis, yan tan meagama Hindu, taler kasinanggeh krama tamiyu, tan sareng sapalikramaning Desa pakraman Ngis.
4. **Krama ngajag** : Sang sapa sira ugi anak saking duradesa rawuh ke jroning Desa pakraman Ngis, nanging tan nekeh magenah irika, patut matur tupeksa ring prajuru Desa, kalih ring sang amawerat sanistanne 2 (kalih) rahina. Yan tan asampun nika, prajuru desa wenang nundung jatma hinucap mangda malinggal sakeng Desa Ngis.

Pawos 5

Ngawit tedun mekrama desa ring Desa Pakraman Ngis :

1. **Nerag** : Krama Desa sane wed saking Desa Ngis, sesampune bulangkep rabi, saha sampun ngemargiyang pawiwahan sanistanya sampun puput mabiyakawon, katerag tedun makrama desa ring tileming sasih kawulu, napkala ngemargiyang pacaruan ring Desa.
2. **NyelosIn** : Krama Desa sane wed saking Desa Ngis, mipil ring Desa Pakraman Ngis melarapan antuk nyeledi ayahan tua, utawi nganeh patut kemargiyang ritatkala rahina anggar kasih nuju pesangkepan Desa.
3. **Katerag** : Sang sapa sira hugi krama sane sampun bulangkep, magenah ring sawengkon desa pakraman Ngis sampun lintang ring 3 (tigang) sasih , katerag antuk desa nemoning rahina anggar kasih nuju pesangkepan Desa.
4. **Manut pawos 5 palet 3 ring ajeng mawiwit sakeng krama wed Desa pakraman Ngis,** malinggal ke dura Desa, mewastu malih mewali ke Desa Pakraman Ngis :
 - ha. Yan sadurung awarsa matulak malih, yening tan wenten kaiwangan ring Desa Pakraman Ngis, wenang krama inucap ketedunang malih mekrama desa sekadi patute, sahaning pekaryan kalih urunan katiti sesuwen lunga, tur mangda ketawur buntas mawaneng tigang (3) sangkepan. Prade kapurug kebawosin ring paruman Desa.

ca. Yan lintang ring awarsa :

- 1) Yan sangkaning *rahayu* kalih palugran Prajuru Desa tingkah patinggale nguni, patut krama inucap kepipil ring Desa tur kekeninin pengencal geng arta 100 (satus) kg beras tur neregteg wewangunan.
- 2) Yan sangkaning *tan rahayu* patinggale nguni, patut krama inucap kebaosin ring paruman Desa nunas geng renampura sekala ring krama Desa, niskala kacihnayang antuk maguru piduka ring pura Khayangan Tiga, wau kepipil ring Desa tur kekeninin pengencal geng arta 100 (satus) kg beras tur neregteg wewangunan.

5. Manut pawos 5 palet 3 ring ajeng mawiwit sakeng krama tamiyu :

ha. Krama sane meagama Hindu :

- 1). Sane sangkaning ketugasang antuk sang amawerat, sanunggil pasegehan ring Puseh kekeninin pamopog manut mapangarga dasa (10) kg beras.
- 2). Sane sangkaning ngaruruh karya sakewanten durung medruwe karang, kekenin pamogpog mapengarga dasa (10) kg beras, senunggil pasegehan ring Puseh, sahe mangde kadulurin antuk makta sewalapatra sane kauningayang ring prajuru Desa Pakraman. .
- 3). Krama Tamiyu sane sampun madruwe karang, patut keteduang mekrama desa, tur kekenining pamogpog pateh sekadi krama pengencal.

na. Krama sane nenten meagama Hindu

Krama sane nenten meagame Hindu patut ngemargiang swadarmania manut perarem paruman Agung.

Pawos 6

Husan mekrama Desa pakraman Ngis :

1. Seda
2. Pinunas ngeraga, sesampune kecumponin putusan paruman,
3. Krama sane megenah ring dura Desa utawi ngeruruh karya (ngencal),
4. Krama sane setata memandel kalih mamurug awig-awig.
5. Tan kantun meagama Hindu.
6. Teda utawi nlar agama,
7. Kasepekang saha kaheladang antuk Desa.

8. Sang wusan meKrama inucap patut :

ha. Ngaturang karang ayahan ke Desa, ring Prajuru Desa.

na. Tan polih duman sekancanin padruwen Desa.

ca. Tan polih setra, pelayanan adat lan Dinas.

Paras 7

1. Swadarmaring Krama Desa Pakraman :

ta. Krama Desa Pakraman palud laturan marud ring :

- 1) Ralina sasanggahan, inggih punika *Anggana Kawan* utawi *Anggana Kasih*.
- 2) Kawigunan nyanyiga wewangunan ring selipung Desa Pakraman marud jaranan.

ra. Kenti jeltutan marud jaranan.

ca. Krama Desa lan laturan liris :

- 1) Nyalak : Rikakala mapawangunan, mapalanga, randa, malarasin, sangran, kundangan, ageng ali penyalak marud luring jaranan.
- 2) Dosa : Yaring nentan wontan lupakan, wontan kakoran daban apangkal penyalak.
- 3) Tan kekeringing penyalak : Ngayah ring Pura lan yuli lempy, mawij-wijian, yaring krana punika kaselatan, kasuntakan, sangran, nyalak sejiwan.

ra. Parindikan Rejang :

- 1) Krama pengayah wening ngemetalang rejang sanunggil ralina Umada lan Paing Kuningan marud jaranan.
- 2) Sane ketatrasang ngarejang, anak liti sampun mayusa odas (11) utawi marud sakti rejang, ngentos lincas (15) wana utawi selutung ngantian.
- 3) Sapa dnt ug Krama Desa sane jagi ngupah rejang aralina apisan upahna mapengarya plung (7) kg beras, yaring upahna tanghungan ring punika, Krama inucap palud ketawasin oli Prajuru Desa Pakraman.
- 4) Sapa dnt ug Krama Desa sane madruwe oka kapahi nyalahang rejang nentan ketatrasang ndak, grade kapung Krama inucap palud ketawasin ring Bala Agung.
- 5) Krama sane ngupah rejang, grade sampun marud sane laler nentan polih rejang mangde ngarawuhang ring prajuru Desa, ur Krama inucap dadas nenelegang.
- 6) Krama Desa sane madruwe oka liti sampun antas ngantiang, nentan kemetalang, Krama inucap palud ketawasin ur ketanda mapengarya beras geng ata lincas (15) kg beras.

ka. Krama Panyuda hepatalang rawu panyuda sanunggil upacara pawerahan ring Pualih, masagang ata 10 (dasa) kg beras, mungguhing swadarma sane dntan marud jaranan.

ca. Krama sane lan masagama hindu, lan saneng sepallimaring desa, nanghing lan wening pwal ring awig-awig, pawerahan desa, marud pamutus Desa, sane ngindiang lala pawerahan kalih palemahan.

- a. Krama Desa samyan jagya saluru ring daging awig-awig Desa Ngjé, pésawaran miwah pamutus paruman Desa ngubahayang mangga kasudat mapikolih zakad patih lajeng bébasé kinucap ngjé, lumus mamaguhang kajagacchitaning Ngjé.
 - b. Krama Desa sane ngabé ngabé pakramatan, ngjé, miwah sane sawésan sane maganah sajeroning wewangunan Desa sakraman Ngjé, ngabé ring anak saking dusa desa, ngjé mangga polih pakramatan saking Prajurit Desa. Yan lan nggungka, sane ngabé wewang kedandahin manut pésawaran perarem, tur kabéhana kewangucyag.
2. *Prade pakramaning krama desa :*
- a. Krama Desa Pakraman Ngjé polih pésawaran, wiyadin pakramatan saking desa, saluwiring wicara jagya kabawisih antuk Prajurit Desa, manut tata titiing wicara pamutus kabawis manut patih lan pamukuh awig-awig Desa Pakraman.
 - b. Ngemargiyang lupéka manut perarem lan awig-awig.
 - c. Krama sane : kasungkahan, metagelin, lan kacuntakaan utawi krama sane kalugassang oih sang amawaral, polih keluputan panyah-nyahan, sahe polih saharanin duman utawi bebagian. Sakemakon indik wewijilan neregtagang manut perarem.
 - d. Dadés ngerahin karang desa yening sampun kecumponin ring paruman.
 - e. Krama Desa marep, wewang polih duman lejuben aci-aci saluwiringipun, peflyes miwah sane sisan sane patut kalba ring krama desa, manut pamargin karya utawi aci sajeroning Krama Desa.
 - f. Kadabtsang nyada majeng ring Krama sane sampun mayusa pitung dasa lima warsa (75 tahun) utawi mabukti sungkan-sungkahan.

PALET 2

Indik Unagi

Pawca 8

1. Unagi Desa patut ngaryanin saluwiring wewangunan dluwen Desa menupa taru,
2. Krama Unagi kasudi miwah saking krama sane uning ngaryanin taru sane keanggen wewangunan melarapan antuk paruman Desa.
3. Yening wenten Krama sane kasudi dadés unagi, prade nenten setinut, Krama inucap wewang kekenenin pamindanda mapengarga satas (100) kg beras.
4. Prade wenten Krama sane kasudi dadés unagi, sakewanten nenten ngemargiyang swadarmanyane, karicos pang pitu nenten tedun utawi nyaluk nenten wenten krane, Krama inucap kebacsin ring paruman, tur niti panyaluk lan kekeninin pamindanda mapengarga satas (200) kg beras.

PALET 3

Indik Sikipe Gambang

Pawos 8

1. Gambang padruwen Desa patut kesekain tur kesuciang.
2. Yening wenten Krama Desa Adat Ngis sane muatang suara gambang ritalkala ngemargiyang yadnya kekeninin sesari jinah manut perarem.
3. Praje Krama sane kasudi dados sekehe gambang nenten ngemargiang swadarmanyane, Krama inucap kebawosin ring paruman tur ketiwakin pematul manut perarem.
4. Yening gambang punika keupah ring Pura Desa liosan, indik pituas utawi upah kaputusan olih Prajuru Desa sareng sekehe gambang.
5. Pahpahan pituas gambang, sekadi upah asgar ngeranjing ke Desa lan sisanyane malih asgar ngeranjing ring sekehe.

PALET 4

Indik Pecalang

Pawos 10

1. Swadarmaning langlang / pecalang : Ngemargiyang ketreptian ring wewidangan Desa Pakraman Ngis manut pituduh Prajuru Desa.
2. Krama sane kasudi dados langlang / Pecalang, sakeng Desa kalcen leluangan utawi lelungutan pateh sekadi leluangan krama nyodo.
3. Yening sampun kasudi dados langlang utawi Pecalang, nenten ngemargiang swadarmanyane, patut Krama inucap kebaosin ring paruman tur ketiwakin pamidanda manut perarem.

Palet 5

Indik Prajuru

Pawos 11

1. Desa Pakraman Ngis kaenter antuk Prajuru Desa luire :
 - na. Pemusunan Desa utawi Bendesa Adat (manut Dresta / Raja Purana)
 - na. Penyarikan Desa (manut dresta lan bisama),
 - ca. Petengen utawi Juru Raksa (manut dresta),
 - ra. Pelima Desa sekidikne kalih (2) diri (manut dresta).

2. Sane patut keadegang dados Prajuru :
 - ha. Krama meremp manut dresta lan bisama, sane jenek megenah, makrama desa matakah turun sahurah-harih ring Desa.
 - na Tancedangga, sekadi peceng, perot, cunggih, lan sapanunggilanipun sane katandangin kabakta saking wahu hembas.
 - ca Wikan memawos kalih nyurat aksara Bali utawi latin.
 - ra Mabukti tan sungkan-sungkunan.
 - ka. Nenten nahen melaksana corah.
 - da. Mawiwit saking keturunan semeton dadiya manut dresta.
3. Pidabdab ngadegang prajuru :
 - ha. Paruman utawi pasamuhan Desa ngawentenang seseliran, pangawit panuman desa matujuwang sang pacang kahadegang dados pangelinggir utawi palman Desa kantos lintangang ring asiki sane katuju antuk panuman desa, yogya pinilihan, sane akuwehan yogya katurut.
 - na Yan wenten sinalih tunggil piwal ring kasudi antuk panuman desa, sang sane piwal pinika wenang ketiwakin pangloktika, yan manut paksanniya, panuman desa wenang nyudi sane siosan. Sampun nika taler yaning tan manut paksanniya, panuman desa wenang niwakin deddosan manut pararem.
4. Prajuru Desa Pakraman keadegang melarapan saking putusan panuman Desa, manut tata cara ngadegang prajuru.
5. Prajuru inucap, yening nenten nganutin swadarmaning Prajuru Desa, wenang jero krama Desa ngawentenang panuman Desa sahe ngentosin Prajuru inucap, manut tata cara ngadegang prajuru.
6. Sang kasudi dados prajuru Desa patut kalungsurang upasakal ring Ida Betara Khayangan Tiga.

Pawos 12

Swadarmaning Prajuru Desa

1. Midabdabin desa, krama desa, pacang ngupadi kajagadhitan sakala niskala, maka dasar awig-awig, paswaran desa, pamutus pararem, nganutin sastra Agama Hindu minakadi uger-uger negara.
2. Ngarancana salwiring sane nyandang pacang wangunang, sane patut kayunin, patut loktika desa kala patra. Sane mabuat mangda kasidan polih palugrahan guru wisasa.

3. Mawosin salwiring wicara sane metu sajroning desa, niwakang tetimbang, utawi pamutus babawos sane yagya kaputusan sajroning desa. Yan lan kasidan kabawosin ring desa, prajuru desa mituduhang ngaturang ring guru wisesa.
4. Midabdabin salwiring pamargi hadi-hadi ring desa, taler nguningayang krama desa indike ngalaksanayang panca yadnya.
5. Prajuru desa wenang, nyanggra salwiring pituduh seraja karya saking guru wisasa, werat utawi ringan, sane yogya ketiwakin ring Desa Pakraman.
6. Maka duta matemuang bawos ring sapa sira ugi sane muatang, yan paindikan punika kapineh nyandang pacang marginin.
7. Wenang ngawangun lang-lang (Pecalang) desa, sane patut ngalangin seraja karya ring Desa, nulinga katreptian sawengkon Desa pakraman Ngis.
8. Swadarmaning sowang-sowang Prajuru Desa :
 - ha. Bendesa Adat.
 - 1). Ngelaksanayang tugas ke jaba lan nanggung jawabang saluwiring arta brana padruwen Desa.
 - 2). Ngerencana wewangunan agame lan adat.
 - 3). Ngelaksanayang rencana wewangunan, agama lan adat manut perarem.
 - 4). Nureksain wewangunan, agama lan adat.
 - na. Penyarikan Desa Adat.
 - 1). Ngelaksanayang tugas ke jero lan nanggung jawabang nyuratang saluwiring arta brana padruwen Desa.
 - 2). Ngerencana sekancan wewangunan.
 - 3). Ngelaksanayang rencana wewangunan, yening sampun kecumponin ring jero Desa. Tur nureksain wewangunane punike sareng prajuru lianan.
 - 4). Ngelaksanayang sekancaning tugas-tugas administrasi Desa,
 - 5). Sanunggil sangkepan, patut nguningayang padruwen jero desa ring jero krama.
 - ca. Petengen utawi Juru Raksa.
 - 1). Nerima jinah lan arta brana padruwen Desa risampun kesuratang olih Penyarikan Desa.
 - 2). Parindikan ngemedalang jinah lan arta brana padruwen Desa patut sampun kesungkemin ring Penyarikan sareng Bendesa Adat.

- 3). Saluwiring arta brana padruwen Desa patut kesuratang rinci ring buku kas / buku arta brana tur nanggung jawabang ring jere krama.
- 4). Jinah sane keraksa lan kalugra rangkungan ring ayuta rupiah, sisannyane mangda kasimpen ring LPE utawi sepenunggilannyane.
- 5). Arta brana padruwen Desa lianan ring jinah, mangda kesimpen ring gedong Pesimpenan.

ra. Pelima :

- 1). Mewantu lugas-lugas sane keemban olih Kelian Desa Pakraman.
- 2). Yan Bendesa Adat, Penyarikan lan Juru Raksa kapalangan kantes nenten meresidayang nyangkepang Desa, Pelima kalugra nyangkepang Krama Desa. sakemaen lan wenang ngemedalang putusan, kebijakan lan sepenunggilannya.

Pawos 13

Pthalapeksaning Prajuru Desa:

1. Sahananing duman polih ngapit,
2. Wenang polih tuwas-tuwasan.
3. Wenang polih pasolasan saking hupon-hupon tegal desa, minakadi pasolasan arta bhrana piilih-piilih guna kayan desa sane ngeranjing ke Desa saking rahayu.
4. Miwah sane liasan manut pamutus paruman utawi pasamuhan Desa.

Pawos 14

Prajuru desa kagentosin utawi husan, majalaran antuk :

1. Seda ;
2. Mabukti sungkan-sungkanaan utawi sungkan rahat tur suwe.
3. Mapinunas sangkaning rahayu ;
4. Sangkaning kahusananang antuk paruman Desa, riantukan sangkaning tan ngemaryang swadarmaning prajuru desa.

PALET 6

Indik Sangkepan utawi Paruman Desa

Pawos 15

1. Paruman wladin sangkepan ring Desa Pakraman Ngis, werten tetiga:
 - ha. Nyabran ngesasih, sinunggil Anggara Kallwon (Anggar Kasih),
 - na. Napkala maka jalaran arah-arah, manut tetujon kalih wigunan ipun,
 - ca. Paruman Agung inggih punika paruman sane kamiletin antuk krama Desa sami.
2. Sahananin sangkepan, lan wenang kerangkadang ngantos asasih.
 - ha. Yening ngerangkadang menjangang sore, inggih patut nyuarayang kulkul,
 - na. Yening neregtegang ngalih (2) rahina, patut nyuarayang kulkul,
3. Pemargin paruman wladin sangkepan madukonan sekadi ring sor puniki :
 - ha. Prasida lumaksana risampun ketedunin antuk sang patut ngemiletin kemanggala antuk tengeran kulkul miwah mebusana nyelempod saha lan kalugra makta gegawan.
 - na. Tan maren kemanggala ngarcana Ida Begawan Penyarikan, maka sarana widiwidana (canang),
 - ca. Tan kalugra ngemeluaken suara gora utawi biota, yan hana mangkana wenang kekerininin pamindanda dasa(10) kilo gram beras,
 - ka. Pamutus bawos, beruk sepanggul (inkuo) punika sane kemanggehang, prade lan presida, suara sane makehan patut kemanggehang.

Pawos 16

1. Sajeroning paruman desa, Prajuru Desa Pakraman patut ngewedarang pemargi ngerenterang desa, pemekas ngeninin parindikan :
 - ha. Munjuk lungsur Pakraman sekadi ayah-ayahan, sulur arta brana druwen desa lan dedandan,
 - na. Rencana Prajuru Dese indik wewangunan lan usaha desa kearep.
 - ca. Sahanan wicara lan pemuusnia.
2. Sehanan wicara patut kebawosin, saha ketiwakin pamutus olih Paruman Desa,
3. Prade sinalih tunggil Krama pacang mebawos utawi matur pitaken, pinih ajeng Krama inucap matur dumun ring Prajuru desa, indik nunas galah,
3. Risampun wicaraanla kebawosin olih Prajuru saha ketiwakin pamutus, prade Krama inucap lan cumpu kengin wicaraanla ketunasang, mangde ngewacen awig-awig.
5. Sehanan pamutus paruman utawi sangkepan desa kesinanggeh pamitegep awig-awig sane kewastarin pararem tur patut kasuratang.

PALEK 7

Indik Kukul

Pawos 17

1. Kukul sane wenten ring sawidangan Desa Pakraman Ngis liwa :
 - na. Kukul Desa Pakraman,
 - na. Kukul Sekelhe Teruna Kawandian,
 - ca. Kukul ring Banjar-Banjar,
 - na. Kukul ring sekelhe-sekelhe.
2. Tabuh tepakan kukul Desa Pakraman :
 - na. Adulul bambal, tengeran petuduh payahen,
 - na. Adulul bulus, tengeran kepancabaya,
 - ca. Kaili tulud bulus, tengeran wenten anak ngamuk, tumaning sampun wenten sane kanin,
 - na. Tigang tulud bulus, macihne sampun wenten sane padem keamuk.

Pawos 18

Indik Nepak Kukul

1. Kukul Desa utawi Banjar tan wenang katepak yening nenten petuduh Pra Juru Desa, sejawaning tengeran kepancabaya,
2. Sang sapa sira sane nepak kukul yening nenten sangkaning pituduh Prajuru Desa patut digelis atur tupeksa ring Prajuru maka kabuatannia,
3. Yan kapurug sekadi sane mungguh ring ajeng, manut pawos 15 palih 1,2 wenang sang mamurug kedenda geng arta mepergarga 50 (seket) kg beras.
4. Sahanan swaran kukul kepancabaya inucap patut katedunin oleh Krama Desa sami, sahe gegaman manut ring rupan bayane, yening kapurug manut keni dedosan manut perarem.
5. Sukat utawi swaran kukul lianang ring kukul Desa Adat tan wenang matehin kukul Desa, yen wenten pateh wiadin sewer patut kepastika salah sawiji.

Palet 8
Padrurwen Desa
Pawos 19

1. Pura Kahyangan Desa luire :
 - ha Pura Puseh ;
 - na Pura Deṣa ;
 - ca Pura Dalem ;
 - ra Pura pura Balai Agung
 - ka Pura Prajapati ;
 - da Pura Pakiriman ;
 - ta Pura Rambut sedana ;
 - sa Pura Pesucian Batara ;
 - sa Pura Melanting ;
 - wa Pura Subak Jumetra.
2. Pralingga Bhatara.
3. Palemahan sane kahanggan : karang pemahan 137 palebahan;
4. Palemahan sane kahanggan setra / pakuburan wenten 4 (petang) pelebahan :
 - ha. Setra Agung apelebahan,
 - na. Setra elit apelebahan;
 - ca. Setra kecacar / kerauhan apelebahan,
 - ra Penunjelan apelebahan.
5. Palemahan sane kahanggan : rorong-rorong margi sejeroning Desa Ngis.
6. Palemahan sane kabaos tanah pelaba Pura, tanah ayahan Desa Pakraman Ngis, tanah tegalan 5,5 ha.
7. Kelebutan toya, toya anakan, toya titisan, sane dados pesucian bhatara, sane dados kahanggan beji, miwah kasalud antuk krama desa, sane dados tantanan Desa pakraman.
8. Balai masyarakat / Balai serba guna,
- 9 Usaha Desa inggih punika Lembaga Perkiditan Desa (LPD) lan Bali Sejahtra(CBD).

Pawos 20

Pilih-pilih Desa pakraman Ngis :

- ha. Pilih pamupon tanah lan toya pelaba pura.
- na Urutan saking krama :
 - 1). Urutan peaci-aci lan wewangunan manut perarem,
 - 2). Urutan pakenin-kenin peayah-ayahan krama.

- ca, Haturan lan punia.
- ra. Usaha guna kaya Desa, minakadi : sane sawosan saking patut lan rahayu :
 - 1). Lembaga Perkreditan Desa.
 - 2). CBD (Bali sejahtera)
 - 3). Sane sawosan saking patut lan rahayu.
- ka Rerampagan lan ambang-ambangan.
- da. Wantuan saking guru wisesa.

Palet 9

Laluputan

Pawos 21

1. Luput papeson punika matesges tan keni papeson salwiripun ritatkala Desa ngangkat karya, ngaci-aci saiwire sane dados hemponan krama, maprabiya saking paturunan krama Desa inggih punika :
 - ha. Prajuru Desa.
 - na. Pamangku Khayangan Tiga lan Pamangku Sadkhayangan.
 - ca. Sang sapa sira hugi sane kapineh antuk prajuru desa sane polih leluputan, manut perarem.
2. Luput papeson urunan wewangunan :
 - ha. Prajuru Desa.
 - na. Pamangku Khayangan Tiga.
 - ca. Unagi Desa,
 - ra. Sekehe Gambang.
3. Luput papeson urunan penyodog, ritatkala pecaruan :
 - ha. Prajuru Desa.
 - na. Pamangku Khayangan Tiga.
 - ca. Unagi Desa,
 - ra. Sekehe Gambang,
 - da. Pemundut
4. Luput pasangkepan / paruman desa, ayahan Desa lan Rejang :
 - ha. Pamangku Khayangan Tiga liyanan ring sampun kasudi nganter bakti prani ring Ida sesuhuna.
 - na. Unagi Desa,
 - ra. Sekehe gambang,
 - da. Pemundut
 - ta. Pecalang liyanan ring sane sampun kasudi ngalangin utawi nulingain pasangkepan.
 - sa. Krama sane nyodo.

CATUR SARGAH
Sukretha Tata Palemahan
PALET 1
Indik Karang, Tegal Lan Bangket / Carik
Pawos 22

1. Palemahan Desa, mahuger-huger antuk tri mandala, luire :
 - ha. Uthama Mandhala : Palemahan sane keanggen karang pura, wiadin parhyangan,
 - na Madya Mandhala : Palemahan sane keanggen karang pomahan, genah wawangunan sakadi, Banjar, sekolah, kantor, umah sakit miwah sane siosan.
 - ca. Nista Mandala : palemahan sane keanggen setra, margi, rurung, telabah, papundukan, paker miwah sane siosan. Sahanane sane wenten ring sawengkon Desa Ngis yogya mangda madruwe babeladan wiadin wates sane pastika.
2. Indik margi utawi rurung :
 - ha. Sahanan palemahan punika, hugi mangda madruwe margi, rurung, papundukan sane dados hentasin.
 - na Yan wenten pekarangan pura, pomahan tegal, miwah palemahan sawosan kabebeng tan madruwe margi, rurung miwah papundukan, sang madruwe pomahan patut ngatengahang babawos ke Desa. Prajuru Desa yogya negteg, ngutsahayang mangda polih margi malarapan ngemargiyang sesempalan Desa adepa agung. Yan patut numbas, manut pangarga tanah sane kamanggehang antuk sang amawerat, sami katawur antuk sang mamuatang.
 - ca Yan desa pacang ngalinggahang margi, rurung minakadi makarya margi, rurung desa saking sampun hingkup paswaran Desa, yan nganggen tegal, miwah palemahan sawosan wenang ngemargiyang sesempalan Desa tan nahur pengargan tanah punika. Yaning yan medaging tetanduran, papayon, wangunan saluwire, Desa patut ngicenin prabiya, agung alit manut pamutus parembungan desa kala punika.
3. Indik penyengker lan bebaledan wates
 - ha Sahananing karang pomahan mangda hugi mesengker. Pidadbdab nyengker, magaleng kahulu. Penyengker sane sisi kangin lan sisi kaler, patut kekaryanin antuk sang ngenahin karang punika, sejaba karangnge, wiadin lingkehin rurung, utawi palemahan suwung.
 - na Sang sapa sira hugi ngenahin karang tegeh, patut naku tegeh nyane asukat natah dangsah sane tebenan tur nutusin tembok .

4. Indik karang Desa :

- ha Krama Desa sane ngenahin karang desa (tanah sane nenten keni tigasana) patut ngewatesin karang inucap antuk pagedan / turus utawi tembok, penyengkret.
- na Sang sapisire Krama Desa Pakraman Ngis, sane muatang karang Desa patut ngewentenang atur piuning ring paruman,
- ca. Yening wenten Krama desa sane muatang karang desa rangkungan ring adiri, patut kawentenang undian ring paruman desa.
- ra Sukat karang sane ketiwakang akshipun dasa(10) depa mesh solas(11) depa.

5. Larangan :

ha Parindikan karang Desa :

- 1) Yening wenten macihna karang desa sane suwung kalih pepayonannia tan karuwenge, mewates enem (6) sasih karang inucap wentang kedaut antuk Prajuru Desa, sejawaning :
 - a Krama inucap nyodo, malihe wewangunan pelinggih-pelinggih sane ring merajane sejeroning pekarangan kapiare sekadi patute,
 - b Sangkaning ngaruruh pengupa jiwa ring dura desa, tur krama inucap kantun niti peayah-ayahan sekadi krama sane siosan, tur sampun wenten atur piuning ring Prajuru Desa.
- 2) Krama Desa nenten kedadosang madruwe/ngenahin karang Desa rangkungan ring asiki / akarang.
- 3) Ngembakang toya meambu kaon (meambu bacin jatma, bacin wewalungan lan sepenunggilannia kemargi utawi ketegak karang sane siosan, toya sane meambu punika patut kekaryanang bambang tur penukupipun. Seluwiring pengangge sawa, patut kependem utawi ketunjel ring setra.

na Parindikan wewangunan : Saluwering wewangunan ring soang-soang karang tan kedadosang :

- 1) Ngelintangin wartes karang tiosan,
- 2) Capcapan umah ngungkul kedulu.
- 3) Nyerocobin utawi ngembakang sombah kepekarangan tiosan.

6. Sangsi / dedosan :

ha Yan wenten sinalih tunggil nadya nelekses wiadin ngaleklek saluwiring bebaledan wiadin wawatesan, lwire : babaledan wiadin wawatesan pura, karang pomahan, tegal, setra, tlabah, jlingjing, margi, rurung, punduk, miwah sane sawosan, yogya katiwakin dhanda manut werat ringan kahiwanganne, saha mahayu sane keseleksek wiadin kaleklek, kalih mrayascita sakabwatan sane nyandang , sane katiban panagakara sahe keni dedosan 100 (satus) kg.

na Parindikan karang Desa :

- 1) Sang ketiwakin karang Desa mewates / mawaneng tigang sasih, yan tan kewangunin sahe kegenahin, karang inucap malih kedaut olih Prajuru Desa, selantur nyane krama inucap tan kedadosang ngeruruh karang malih.
- 2) Yaning wenten krama desa sane ngenahin karang rangkungan ring asiki, prajuru desa wenang naut karang inucap.

ca Yan hana sinalih tunggil ngaletihin, ngarucakin, ngarobedin, ngararabin, palemahan liwaring pomahan padruweyan nyane lwire : Ngutang luhu, bangkaan, miwah saluwiripun, norongan babanon, yogya kaliwakin dandha gung arta manut paswaran, tur mahayu sane keletehan, karucakan, karobedan, raraban hinucap ring hajeng, saha prayascitta sane nandang keni panaskara.

ra Yan wenten anak ngenahin palemahan sajeroning wawengkon Desa pakraman Ngis, tan tinut makrama desa nganutin awig-awig miwah paswaran Desa, tan kalugra nganggen saluwiring padruwen desa, tan kalugra ngelaksanayang panca yadnya sejeroning Desa pakraman Ngis. Yan tekaning kapatiyan tan dados sahubang utawi mendem ring setra padruwen desa, Tan polih pananggran krama banjar minakadi panangran Desa.

ka Yan wentan anak tan meagama hindu, ngenahin palemahan sejeroning Desa pakraman Ngis, patut nganutin paswaran Desa pakraman Ngis.

Pawos 23

Indik Tegal lan Bangket utawi Carik

1. Tegal miwah bangket patut megaleng ktreben, pitegesipun sisi kauh miwah kelod patut kapiara antuk sang medruwe tegal utawi carik.
2. Wates inucap kengin pagehan turus utawi prachihna pal/patok beton saking sang amawerat.
3. Sang sapa sira ugi sane medruwe tegal utawi carik ring wewengkon Desa Pakraman Ngis, sakewanten nenten megenah utawi mekrama Desa Adat, wenang kekeninin tetegenan dase (10) kilo gram beras. Tetegenan inucap patut katawur sinunggil pasegehan ring pura Puseh.
4. Yening wenten Krama nandu utawi nyakap tegal utawi carik, patut kawentenang ilikitaris keatur uningayang ring Prajuru Desa.

Pawos 24

Indik sesakapan utawi pepetian tanah druwen Desa :

1. Krama Desa sane kedadosang nyakap utawi metinin tanah druwen Desa wantah krama sane sampun ketedunang mekrama Desa.
2. Indik pepetian tanah druwen Desa, kalingganin ngelimang warsa apisan,
3. Krama Desa sane nyakap lan utawi metinin, tegal druwen desa, patut nandur taru nangka lan cempaka sakidikne sami kalih puhun sane asukat manut linggah sakapan lan utawi pepetiannia.
4. Krama Desa sane nyakap lan utawi metinin tegal druwen desa, paling kasep sanunggil tiga (3) sasih utawi sangkepan, patut nyetor ke Desa.
5. Yan wenten Krama sane nyakap lan utawi memetenin nenten nganutin sekadi ring ajeng pawos 24 palih 3 lan 4, Prajuru Desa jagi ngemedalang pengeling-ngeling sanunggil tigang sasih. Yan kantos pang tiga pengeling-ngeling saking Prajuru Desa tan kawerenge, wenang Prajuru Desa nyabut tur ketimbalang ring anak siosan.
6. Krama Desa sane nyakap lan utawi metinin tanah padruwen desa, tan kedadosang nimbalang ring anak siosan.

Palet 2

Indik Pepayonan

Pawos 25

1. Tan kalugra nebtob, tetaneman saluwiripun ring palasan, pategalan, habing, tangkid, miwah genah sawosan sane kekeker antuk desa. Yan wenten salah sinunggil mamurug, ketiwakin dandha manut lotika, manut pasuwaran, tur taru sane kerebah mantuk ke Desa.
2. Saluwiring wit-witan sane sampun kecirenan wiadin kesawenin antuk desa, pacang manggen mapawangun ring desa, pradene punika kerebah antuk sang madruwe, yogya sang madruwe katiwakin dandha, manut lokika, manut paswaran, taru wiadin wit-witan sane kerebah mantuk ka desa, wiadin ngetangang pangarga.
3. Yan wenten witwitan wiadin kakayonan ngungkulin palemahan, tegal utawi bangket anak sawosan, sane ngawinang tiyeb, tampyasan, ngarobin asing kungkulan wenang ngatengahang ka desa, prajuru desa maritetes saha mituduh sang madruwe mangda ngrancap nebtob utawi munggul wiadin ngerebah. Yan kantos pang tiga pituduh Desane tan kawirungu, wenang katiwakin dandha 50 (seket) kg, tur kakoyanan punika prasida kerebah tur kedaut olih desa.

4. Prade wenten krama ngerebah utawi munggul wit taru sane kasinanggeh mayanin, patut kawentenang alur upeka ring Prajuru Desa, yan kapurug ngantos mayanin kedandha gung arta 100 (satus) kg beras.
5. Tatanan buah miwah tatanduran sawosan jeroning karang pomahan, tan kalugra lintangan ring jan pili alas, wadin 8 (limang) meter. Bungkil ipun adapa agung, wadin 2,5 (kalih langah) meter, saking panyengker ngejeroang. Yan mamurug, wenten raris ngatengahang ka Desa, jogya sang katiwakan dandha gung arta manut paswaran, saha ngerebah, sajeroning ligang rahina saking pamuput babawos.
6. Kakayonan joning karang pomahan hugi mayara mangda tan ngalatihin, ngarobedih, mamayen karang sawosan, saking akah kantos daun ipun. Yan wenten mamurug, tan buluga ring kakayonan duwa, wenten ngatengahang ka Desa, Prajuru Desa jogya maritotes, saha nepasin manut panglokika kalih paswaran Desa.
7. Yan wenten tetanduran pepayonan punika kantos mayanin utawi ngerusak wewangunan ring karang tiosan, Prajuru Desa patut niwakin pamutus mangda sang madruwe tetanduran ngewaliyang sehanan sane karusak manut pengarga, ngelaksanayang pangeresiganaan ring karang sane karusak, maweweh pamindanda mapengarga satus kilo gram (100 kg) beras lan taru inucap ngeranjing ke Desa.
8. Yening tetanduran / pepayonan punika kantos ngemetuang baya ring Krama tiosan, wicara patut keaturang ring Prajuru Desa utawi ring sang amawerat,
9. Yan wenten taru mentik kantos ageng ring babaledan wates, saluwiring babaledan muang wates, wenten ngatengahang ke desa, Prajuru Desa patut niwakang pamutus taru punika kerebah, raris kedaut olih desa.
10. Tan kalugra nandur wit taru ring sejeroning wates, pemaledan utawi ngelintangin wates / pemaledan, prade kapurug wit taru inucap wenang kerebah tur kekeninin pamindandha 10 (dasa) kg beras.
11. wenten sinalih tunggil ndya nandur pijer, turus, saluwiring tetanduran wiyadin kakayonan sane pacang dados ageng, nesek ring babaledan, ring wates, papundukan, hugi mangda masupeksa ring prajuru desa, kalih ring pananding soang-soang. Yan tan kalugra kapisukayang, parede wenten mamurug jogya sang mamurug katiwakin dandha gung arta manut paswaran, tur ngamademang tatandurane.
11. Yening wenten Krama nandu utawi nyakap tegal utawi carik, patut kawentenang ilikita raris keatur uringayang ring Prajuru Desa.
12. Yan wenten krama nandur pijer minakadi tatanduran sekadi poh, cengkeh, juuk, salak, miwah sane sawosan, ring tegal sakapan, hugi mangda makarya pasobaya ring sang madruwe tegal hinucap. Yan durung pingenan mawoh tatanduran punika,

durung nahan ngaladin wahi ipun, naris kajabutan, yogya sang madruwe tegal nahur panjala sawit, gung arta manut paswaran.

13. Sang sapa sira hugi nyakap tegal, tan kawasa ngarebah tatanduran sane dados anggem lakar wawangunan, yan tan polih palugraan saking sang madruwe tegal punika.
14. Yan wenten wit-witan sajeroning pategalan, rebah antuk kapencabahaya tan dados kajarahin artuk sang sapa sira hugi.
15. Krama Desa patut ngemanggehang tur ngelestariang saluring taneman tuwuh sane patut keanggen upakara ritat kala ngemanggang upacara Panca Yadnya lan sane ngawinang Desane asli tur lestari.
16. Sapa sira Krama Desa tan kedadosang nandur tetanduran sane ngasilang ring sisin margin sane padruwen Desa, sejawaning tetanduran sane keanggen hiasan margi manut pewartah-warah sang angewerat lan perarem Desa Adat. Yan kapurug tetanduran inucap keabut olih hansip Desa utawi pecalang manut pituduh Prajuru Desa tur Krama inucap kebasin ring paruman.

Palet 3

Indik Wewangunan

Pawos 26

1. Sang asasira hugi krama desa, sawengkon Desa Pakraman Ngis, yan pacang ngawangun panyengker karang pomahan, patut pasupeksa ring panyandinge. Yan tan radin, yogya nunas degdegan ring Prajuru Desa, Prajuru Desa negneg saduhajeng sang mawicara.
2. Wawanguna ring palemahan pecak tegal, palemahan suwung, sane sampun masanggah pawon, palemahan punika presida kabawos karang pomahan, duwaning sampun katiwakin pangupakaran karang. Awanan patut madruwe rurung betel kemargi agung, sukat adepa (sukat dados ngalintangin papaga), dwaning tan patut ngalintangang sawa ring tanah tegal. Yan wenten mamurug, yogya prajuru desa niwakang tatepasan, mangda sang mamurug mrayascita palemahan sane kalintangin inucap.
3. Yan wawangunan punika tan masanggah panghuluning karang, wangunan inucap kabawos pakubon. Tan yogya genah ngeraksa sawa. Yan wenten mamurug, yogya katiwakin pamidandha mangda marayscita palemahan punika.

4. Yan wenten sinalih tunggal sang sapa sira hugi, pacang ngawangun wawangunan genah ngelaksanayang upacara agama lwire : Pura miwah sane sawosan, hugi mangda wenten lekita palugrahan Prajuru Desa, kalih lekita palugrahan guru wisesa. Yan wenten mamurug sekadi inucap ring ajeng, kabawos tan sida karya, tan wenang anggenen, tur wawangunan punika yogya wangdeyang.
5. Wangunan jroning karang pomahan, hugi nganutin tri mandala, utama mandala pagenah sanggah utawi merajan, madya mandala pagenahan mapumahan lan nista mandala ngaran lebu jabayan,
6. Tan wenang ngungkulung capcapan wawungan ka jroning karang pomahan sawosan tani druwe. Yan wenten mamurug, wenten ngatengahang ka desa, yogya Prajuru Desa ringdeg, saha sipat gantingin. Yan jati lintang, sajeroning 25 (selahe) rahinan saking puput babawose mangda sampun pastika kagubar sekadi watese saha tan polih prabiya.
7. Tan wenang ngangge tembok umah wiadin tembok penyengker tani drue, wenang yan kasambatsara antuk sang madrue. Yan hakas tur mamurug sang kasambatsara, yogya katengahang ka desa, kabawosan antuk prajuru Desa.
8. Sang sapa sira hugi pacang mapawangun nepi ring margi agung, nepi ring rurung desa, yogya wenten lekita palugrahan saking Prajuru Desa, wiadin lekita palugrahan saking sang amawerat. Yan tan polih palugrahan, padgatakala wawangunan punika dados katundung tan ngettangan prabeya tatundungan.
9. Sang sapa sira hugi krama desa ngawengku karang pomahan, yogya hurati myara kahasian lebu pakarangnya, rurung pentasan pinih sor asukat karangnya ngalajur.
10. Tan wenang ngenahang saluwiring barang, motor ring margi druwen Desa utawi Pemerintah rangkungan ring 7 (pitung) rahinan. Yaning kapurug krama inucap kekeninin pamindandha gung arta 10 (dasa) kg beras tur kebawosin ring paruman.

Palet 4

Indik Wewalungan

Pawos 27

1. Sane kinucap wawalungan, sekancan buron suku pat sane nadya kapiyara, sekadi bawi, banteng, kambing, kebo, misa, jaran, miwah sapanunggilan ipun, Sane watek mekampid, sane nadya kapiyara, sekadi ayam, bebek, hangsa, dolong, miwah

- sebacakan ipun, Kenten taler wewalungan sanu durung lumbrah kapira sekadi : lelipi sebacakan ipun.
2. Sang sapa sira hugi krama sane myara wawalungan suku pat, buaya lan lelipi lan wenang ngelumbar. Sane patut matlusuk, mangda matlusuk; sane patut mategul bawong mangda mategul bawong. Sane patut maglogor utawi makandang mangda magelogor utawi mekandang. Mangda tan ngerucakin, ngeletehin palemahan tani druwe, miwah mamayanin krama lan jana pada.
 3. Sang sapa sira hugi krama sane myara watek sukukalih, watek mekampid, yatmain hugi mangda tan banget ngarucakin, ngeletehin, palemahan pomahan, tatanduran druwen anak sawosan.
 4. Tan wenang ngangonang, negulang ingon-ingon ubuh-ubuhan, ring palemahan tan druwe, mina kadi tan sasakapan druwe, yan tan kapisukayang. Sang madruwe palemahan, Prajuru Desa, pecalang Desa, Kliyang Banjar sinalih tunggal memanggihin, wenang nambatsara sang madruwe wawalungan ika. Yan hakas sang kasambatsara, wewalungan ika wenang kataban. Prajuru Desa yogya niwakang pamidandha 10 (dasa) kg beras.
 5. Tan wenang ngangonang, negulang ingon-ingon ubuh-ubuhan, ring palemahan karang pura, khayangan saluwir ipun, minakadi setra, rurung, papundukan, margi tlajakan tan druwe, palemahan sane kapingitang, karang suwung, miwah sebacakan ipun. Yan wenten mamurug Sang madruwe palemahan, Prajuru Desa, pecalang Desa, Kliyang Banjar sinalih tunggal asing memanggihin, wenang nambatsara, saha naban wawalungan ika. Katengahang ka desa, katiwakin pamidandha gung arta 25 (solae) kg, saha mahayu sakancan sane karusak tur mrayascita palemahan sane nyandang parayscita manut pangeloktika.
 6. Yan wenten meubuh-ubuhan sajroning karang pomahan, hugi telajakan mratyaksayang kandang ipun, mangda tan ngewetuang bhaya, panyungkan. Taler mangda hapik geruten, siksa, mangda tan kantos ngeletehin, ngarobedin, nyerocobin karang pomahan wiyadin palemahan panyandinge. Yan wenten mamurug, tan siksa ring ingon-ingon, miwah kandang ipun, wenang penyandinge nambatsara, wenang katengahang ka desa, Prajuru desa nepasin, niwakang pamidandha manut pangeloktika kalih paswaran desa.
 7. Sang eapa eira hugi krama ngawangun kandang wawalungan ring jroning karang pomahan, buat adol atuku, yan kandang ayam, itik miwah sapanunggilan ipun, buat naluhang, utawi adol atuku, daging kandang punika tan dados rangkunga 100 (satus) ukud. Yan lintangan ring punik daging kandange, tan wenang ngawangun ring jroning karang pomahan, yogya kawangunang ring palemahan sane mawaneng sor ipun 500 (limangatus) depa saking palemahan karang pomahan, sekolah, kantor, pura

- khayangan, minakadi genah sane kakeker wiyadin kapingitang antuk desa tur mangda madruwe lekita palugrahan saking sang amawa bhumi.
8. yan wenten wealungan ngarucakin, ngerurug tetanduran wenang taban. Sang madruwe tatanduran ngatengahang ka desa pramangkin, kabawos antuk Prajuru Desasaha katiwakin dandha manut lakika paswaran desa,
 9. yan wenten godel banteng, godel kebo, godel misa, durung matlusuk, godel jaran, kambing miwah sabacakan ipun, yegya salabarang ring sang madruwe.
 10. Yan bebek, dolong, hangsa, ayam miwah sapanunggilan ipun, ngerucakin tatanduran, taler wenang taban. Indike naban, mangda masaksi, saha kasupeksayang ka desa; pramangkin Prajuru desa yegya mawesin, niwakang pamidandha manut pangelokika.
 11. Yan wenten wawalungan ngeleb, mamegat ngeranjingin pura, khayangan setra, karang pomahan, miwah sane sawosan, lokikanen juga. Yan tan nadya kalebang, wenang taban, tur ketengahang ka desa.
 12. Yening wenten krama sane melegendahang wawalungan, mawetu kantos lung, padem, wewengan sang melegendahang wawalungan punika, kakeninin pamindandha gung arta 25 (selahe) kg beras saha naur prabiya manut pangeloktika Prajuru Desa.
 13. Sang sapa sira hugi ngererh hulam ring tukade, miwah sahunggwaning hulam sajroning Desa Ngis, tan wenang ngangge tuba, miwah setrum listrik saluwir ipun. Yan wenten mamurug, wenang katiwakin pamidandha manut lokika saha paswaran desa.
 14. Sekadi dedandhan, dadosan, eane mungguh ring ajeng sami mantuk ka desa Ngis.

Palet 5

Indik Medil, Meboros lan Nuba

Pawos 28

1. Sapasira ugi tan kedadosang medil pakai ring eejebag Desa Pakraman Ngis, sejawaning paksi utawi sesato sane ngerusak tetanduran luire : Paksi perit, bondol, gelatik, semal, bikul, lan lubak.
2. Krama Desa Pakraman Ngis lan utawi krama Desa dura Desa tan kedadosang nuba (ngeracun) luire mortas, endrin, lan racun sane siosan eane ngawinang daging tukad (ulam) miwah sane lianan padem ring tukad (ulam) muah sane lianan ring tukad, telabah, ring anjingan, ring bangket, miwah ring genah sane siosan ring sejebag Desa Pakraman Ngis.

3. Yening kapunug, Krama inucap kebawosin ring paruman tur ketiwakin pemutus manut perarem.
4. Sapasira ugi Krama Desa sane manggihin jadma melaksana sekadi ring ajeng indik daging pawos 37 punika, Krama Desa utawi jatma saking dura Desa punika, patut tupeksa ring Prajuru Desa. Prade Krama sane manggihin nenten matur tupeksa ring Prajuru Desa, gumentos wenten Krama siosan manggihin, Krama inucap kebawosin ring paruman tur ketiwakin pematut manut perarem.
5. Krama Desa, kedadosang maboros semal, mekarya sekehe boros semal, mungguhing petiyas utawi olih-olihan minakadi kelapa manut dresta.

Palet 6

SUKERTA PAMITEGEP

Kaping 1

Indik Pamidanda miwah dedosan

Pawos 29

Pamidanda-wyadin dedosan Patedunan, tedun makarya miwah sane siwosan nganutang sukerta soang-soang, luwire :

1. Yan Prajuru desa madruwe patedunan, yogya ngangge sukertan desa, sane kagaduh antuk Prajuru desa, dedosan ngaranjing ke desa.
2. Yan wenten krama sinalih tunggal tan setinut ring tetepasan miwah dedosan punika, wenang bebawose ketengahang ka desa, prajuru desa yogya mamawosin.

Kaping 2

Bhaya

Pawos 30

Panca bhaya lur ipun: Jiwa bhaya, arta bhaya, ageni bhaya, bayu bhaya, lan toya bhaya.

1. Sang ngemanggihin bhaya, sahanin panca bhaya, patut nepak kulkul mapitulung,
2. Bang sapa sira hugi krama desa sane manggihin, wyadin huning ring panangkaning bhaya, ring kang tiben bhaya, wenang ngegerang nepak kulkul manut indik kakulkulan bhaya, raris damyakang ring wedesa.
3. Ritatkala wenten swaran kulkul bulus tatengeran bhaya, krama desa patut yatna, sayaga, saha sregep ngamong prabot wyadin gagawan sowang-soang. Yan sampun tatas ring bhaya punika, krama desa patut matulung nambakin, wyadin ngamesehin bhaya punika, manut hungguan kalih patuduh sang yogya ngawiwenangan.

4. Sang sapa sira hugi tan kawasa majajubur ritatkala desa, krama desa, katiben bhaya. Yan wenten sinalih tunggal kacirenan mamurug, yogya katengahang ka desa, wyadin katur ring sang amawa bhumi, mangda kabawosan.
5. Yan panganan bhaya punika sampun kapineh nahnah, tan pacang nengkalen, wenang kacihnayang antuk swaran kulkul lambat aluludan, wyadin pasiyar sang sang ngawiwenangang.
6. Sang ngemanggihin arta bhaya utawi kependungan, patut nepak kulkul mapitulung utawi sang kemalingan ngewentenang atur tupeksa ring Prajuru Desa sane pacang nimbangin, raris kelanturang ring sang amawerat,
7. Pratingkahe mapilonan ring dusta, kebawos sekea kelawan dusta. Prade wenten sinalih tunggal Krama manggihin maling tan nyedekang ring Prajuru Desa kantos anak tiosan sane nyedekang, Krama inucap patut kedandanin kadi dandaning maling.
8. Yening wenten jatma ngeranjing ring pakubon wiadin pekarang tiosan ritatkala suwung, mewastu sang medruwe karang keicalan, wenang jadma inucap katiwakin antuk madewa saksi ring Pura Dalem.
9. Mangda nenten ketiwakin sekadi ring ajeng, sapesira ugi sane ngeranjing ke pekubon utawi pekarang anak tiosan patut :
 - ha. Matengeran suara (mekaukan),
 - na. Ngantos sang medruwe karang rauh utawi mesadok ring pisaga sane pinih nampek, maka pabuatan ngeranjinge,
 - ca. Pemedal pekaranganyane kedagingin sawen, maka cihna pabuat utawi pengarah ritatkala suwung.
10. Yening wenten jatma mabukti memandung, ageng alit dedandania manut perarem tur keaturang ring sang amawerat.
11. Yening arta bhaya punika padruwen Desa, tur tan presida kechinayang Krama Desa lan Keluarga sami, patut kemargiyang upacara madewa saksi (cor) mererata ring pura Dalem, sejawaning Pemangku, indik yusa keluwarga sane kasarengang manut perarem.

KAPING 3

Indik Rerampagan

Pawos 31

1. Sane wenang rampag, lwire taru sane mabuat pacang mangge wawangunan ring pura Khayangan Tiga sane kahamong antuk desa.

2. Ritakala Krama Desa ngelaksanayang peaci-aci utawi pujawali ring Khayangan Tiga / ring Pura Puseh, Pura Desa wenang ngemargiyang rerampagan ring sejeraning wewidangan Desa Pakraman Ngis merupa :
 - ha. Busung mangde nenten kapunggul,
 - na. Ambu, ron, duk, sajeng mentah.
 - ra. Tihing akatih sane alingseh,
 - ka. Kelungah,
 - da. Kelapa sane asukat apuun,
 - ta. Sedah lan jambe,
 - sa. Pisang sane mewasta / daging suci.
3. Sane patut ngemargiyang rerampagan :
 - ha. Teruna / Kerandan,
 - na. Sane polih pegilih saya ritakala puja wali,
 - ca. Krama sane sangkaning kapituduh Prajuru Desa.
4. Sadurunge Taruna / Kerandan ngemargiyang rerampagan kelapa, wit kelapa inucap patut kedagingin sawen, maka cihna kelapa punika karampag.
5. Prade kelapa sane sampun kesawenin antuk-Truna, raris-kerereh-dilih-sang-medruwe; Krama inucap (sang medruwe inucap) kekenin pemindanda dasa (10) kilo gram beras.
6. Indik rerampagan ring Desa Pakraman Purwayu manut sekadi dresta, sane kepatutang sinunggil Ngusaba Agung ring Puseh luire :
 - ha. Duk akakab apuun,
 - na. Kelapa asaih apuun,
 - ca. Tihing akatih alingseh.

KAPING 4

Indik Penyanggra Banjar

PAWOS 32

1. Wewidangan Desa Pakraman Ngis wenten kalih Banjar adat
 - ha. Banjar Adat Ngis Kelod,
 - na. Banjar Adat Ngis Kaler.
2. Sahanan Yadnya kalih pasukudukaan, penyanggra Banjar kemargiang manut dresta utawi awig-awig ring Banjar soang-soang.

PANCAMA SARGAH
SUKERTA TATA AGAMA
PALET 1
INDIK DEWA YADNYA
Kaping 1
Indik khayangan
Pawos 33

1. Pelinggih / Pura penyiwian sawidangan Desa Pakraman Ngis luire :
 - ha. Pura Khayangan Tiga :
 - Pura Puseh,
 - Pura Desa lan Balai Agung,
 - Pura Dalem.
 - na. Pura Prajapati,
 - ca. Pura Rambut Sedana,
 - ra. Pura Pengiriman,
 - da. Pura Melanting,
 - ta. Pura Pesucian :
 - Pura Pesucian Jepun Mebangsing ring Pengayehan,
 - Pura Pesucian Jepun ring Jepun,
 - Pura Pesucian Betara Rambut Sedana ring kayehan Tingkih,
 - sa. Pura Subak,
 - wa. Pura Abian Jumetra.
2. Tan wenang nguwah nguwuhin wawilangan palinggih Bhatara, sane sampun wenten ring pura khayangan sowang-sowang mangda kantun manggen kadi kuna.

Kaping 2
Indik Pangaci – Aci
Pawos 34

1. Rahinan piodalan / aci soang-soang khayangan kadi ring sor :
 - ha. Pura Puseh :
 - Purnama kapat, kalih wara apisan,
 - Pang kalih, rahine meayu-ayu,

9. Pamangku kegentosin riantukan :

ha. Lina / seda,

na. Mapinunas ngeraga, menawi kegeringan lan sepenunggilan nyane. Nanging tan kari ngalaksanayang swadarmaning Pamangku. Kawekas kalaning seda, tan polih patulung prabiya atiwa-tiwa.

ca. Mapinunas mararyyanan, saking patut pinunase, nanging kantun ngemanggehang swadarmaning Pamangku. Kawekas kalaning seda, polih patulung prabiya atiwa-tiwa.

ra. Kausanan antuk kerama yening meclhna ngelaksanayang asta dusta.

Kaping 4

Indik Kasukertan Pura Khayangan

Pawos 36

1. Ritatkala maturan ring Pura Khayangan Tiga, hamung Pamangku khayangan punika sane dados munggah tedun ring palinggih-palinggih Pura inucap, minakadi sang sampun polih lugra saking Pamangku utawi Prajuru Desa. Yan wenten mamurug, katiwakin dandha mrayascita palinggih punika.
2. Tan kalugra ngeranjing ka Pura, luwira :
 - ha. Sahananing kacuntakaan, yan durung mabersih tan kalugra ngeranjing ka Pura Khayangan. Yan katenger wenten mamurug, yogya tiniwakan dandha gung arta beras 50 (seket) kg beras lan pamarisudha khayangan punika
 - na. Makta sahanan barang sane kesinanggeh ngeletehin,
 - ca Sato agung ritatkale mapepada,
 - ra Mabusana tat patut ngeranjing ke Pura,
6. Yan mamurug paos 31 palih 2, aksara na, ca, ra ring ajeng, wenang kekeninin pamidanda mepengarga telung benang (75) kilo gram beras.
7. Pratingkahe tan wenang ring Pura :
 - ha. Mesumpah (COR) sejawaning pituduh Prajuru Desa,
 - na. Makobetan, makolem dados asiki lanang wadon sane sampun munggah teruna,
8. Krama sane mamurug kecaping 7 (pitu) pawos 31 ring ajeng, keni pamidanda mapengarga beras satus (100) kilo gram tur ngaturang prayascita..
9. Sang sapisira hugl kalaning makemit ring pura khayangan, yan merem tan kalugra madukan lanang istri, sajaba anak sane kapineh kantun alit durung dehe, teruna. Yan mamurug, keni dandha manut pangargan beras 10 (dasa) kg tur mrayascita pura punika.

Pawos 37

1. Yening wenten jatma kerahuan ring Pura, yening merasa kesumbangayaan, patut kepintonin olih Prajuru Desa antuk dupa sane medaging geni. Yan tan wiakti jatma inucap kerahuan, patut kesisipang manut perarem.
2. Prade Pura Khayangan kehanan durmangala, minakadi kepancabaya pemangku sinalih tunggil patut digelis nyadokang ring Prajuru Desa Adat mangda marumang Krama Desa tur ngawentenang pemerascita sepatutnyane,
3. Sejeroning muspa ring Pura, sang jaga muspa / matur bhakti patut sane rauh pungkuran nyantos.
4. Sang jaga muspa kawenangang saking jero soang-soang sampun tragia makta sekar, dupa lan seluwir ipun,
5. Yening wenten Krama pacang nyolahang ilen-ilen ring pura Khayangan Desa, patut mesadok ring Prajuru Desa. Nenten kedadosang nyolahang ilen-ilen sane tan patut ring tetujon / pidabdab upacara ring Pura,

Kaping 5

Indik Cuntaka miwah sosot

Pawos 38

1. Sang sapasira hugi krama sane kahanan cuntaka, tan wenang ngaranjing ka Pura Khayangan, ka panasucian kalaning nyuci gening, mina kadi genah salwiring sane kinucap suci pingit. Tan wenang ngaryanin saji salwiring sane pacang katur kesanggar tawang, sekadi suci gening, mina kadi banten saluwiring ipun sane jagi katur ka Pura, miwah sane katur ring pitra pindha. Mungguhing banten sane katur ka Prajapati, Dalem, pangulun setra, dados karyaning ring paumahan sang cuntaka kalaning ngupakara sawa.
2. Sane kinucap cuntaka :
 - ha. Anak istri kalaning ngerajaswala, suwen cuntakane, saking ngawit ngarajaswala kantos nyat, macihna sampun makramas lan malukat.
na Sebel pengantenan lanang istri suwene cuntaka ngawit saking rahina pengantenan wiadin rahina merangkat, kantos puput mabyakawon, saha masamayut prayascita, malukat matirta.
 - ca. Rama rena cuntakaning madruwe oka, Sane lanang cuntaka suwene saking embas anake alit kantos kepus hodelnyane, raris masuwuk, malukat. Sane istri pinaka rena, cuntaka petang dasa kalih rahina utawi asasih pitung rahina..

- ra. Anak istri cuntaka sangkaning karuron, cuntakan alaki arabi pateh ring cuntakan ngembasang oka.
- ka, Yaning mamurug kecaping 2 (kalih) pawos 31, yan katenger, wenten raris ngatengahang ka Desa yogya katiwakin dandha 50 (seket) kg lan pamarisudha Pura khayangan punika.
3. Cuntaka malarapan antuk kasedayan, kapatyan :
- ha. Yan wenten anak alit durung kepus hodel, rame reñanne cuntaka 42 rahina.
- na Yan sang ngarepin, minakadi sang magenah sajroning karang pomahan sang seda, suwene cuntaka saking wawu seda, kantos puput pangelemek karyane, mawaneng malih tigang dina. Puna pika mapendhem, luwih yan atiwa, macihna punah cuntakane antuk marebu, malukat.
- ca Sang polih ninjo, ngarap sawa, ngamel sahe ngerembat saheteheh heteh upakara pula-palining sawa, cuntaka adina, punah cuntakane macihna antuk malukat.
- ra. Yan matinjo ring umah sang ngeraksa sawa wyadin layon, cuntakane sadina, punah cuntakane macihna antuk malukat.
- ka Yan sang polih nyembah sawa, mangan paridan sawa, punika taler kabawos cuntaka, suwene cuntaka kantos sampun usan malukat.
4. Cuntaka sangkaning mamitra ngalang, suwene cuntaka salami mamitra ngalang.
5. Anak metu sangkaning malaksana mamitra ngalang utawi tan pawidi-widana pawiwahan, babinjat, punika taler cuntaka. Suwene cuntaka selami durung wenten meras, wyadin nuduk ngangkepin piyanak, utawi nganggen dadaman.
6. Cuntaka sangkaning mabukti madruwe panyungkan sane tan sidha waras salamine, kadi hangganing hila, buduh, ngawijilang reged saking alit, bhaga, purus tan henap mameras, brung, borok tahunan mabanyeh, miwah salwir punika, suwene cuntaka, selami tan waras.
7. Cuntaka sangkaning cendaga sane kabakta saking wau mbas saking garbhawasaning ibu, punika tan kawenang napak palemahan panyucian genah nyuci gening.
8. Yan wentan sinalih tunggil sang cuntaka antuk ngeraksa sawa wiadin layon, mamanan utawi mapakayun ngarawuhin karya hayu atma wedana, minakadi mabhakti ring sang wenang kabhaktinin, dados, nanging tan wenang ngarap, ngerembat, nyuwun, ngamel sang upakaran puspa lingga.
9. Yan wenten sinalih tunggil krama durung tutug kadi hucaping harep, mamurug larangan, yan wenten ngatengahang ka desa, prajuru niwakang pamidanda, yogya sang mamurug marisudha sakabuwatan manut panglokika.
10. Yan wenten sinalih tunggil anak istri, sanganing tan mehe ngaraja swala sesampune ring Pura, wiyadin ring genah larangan sawosan, raris kacirenan, wenang yan tiwakin

- dandha tan mehe, yogya marisuda genah punika, katulung antuk pangemong pura punika.
11. Yan wenten sinalih tunggil krama, kacuntakan antuk ngeraksa sawa, wiyadin layon, napkala keni pagilih pangentosan banjarannya utawi dadiyanya ngaci-aci, ring sinalih tunggal khayangan desa, pacaruan desa, sadurung tutug sengker cuntakannya, wenang tan tedun maayahan, tan didosan, nanging yan wenten pasadok sang cuntaka ring Prajuru Desa. Yan wus tutug cuntakane, patut neregteg yan kari ngelantur patedunanne mungguhing piturunan, wawijilandaging saluwiripun yogya katawur.
 12. Yan cuntaka gamya gamana, prajuru desa nyantosang pamutus sang amawarat. Yan sampun wenten pamutus saking amawa bhumi, ring desa katiwakin dandha kadi ring sor puniki lwire : mangda marayascita raga, genah melaksana, khayangan desa, miwah desa pakraman. Prade sang katiwakin dandha mamandal, prasiddha desa sane marayascita desa miwah khayangan, sang mamandal kebawosin ring desa, kaicen pamutus manut prerarem.
 13. Cuntaka sangkaning salah timpal, cuntaka raga sang melaksana miwah desa pagenahannya, tutug cuntakanya yan sampun sang melaksana mrayascita panagaskara raga, genah melaksana, desane mrayascita desa. Buron sane kanggen somah kapademan tur katanem.
 14. Anak luh beling tan kapiara antuk lanange, suwene cuntaka kantos wenten pangupakara panagaskara kulawisudha anake istri beling mawidhi widana pawiwahan masanding keris pinaka linggan sang kadalih.
 15. Yan wenten anak mabukti nyolong semara, cuntaka pteh ring cuntaka gamya gamana.

Pawos 39

1. Indik sosot
ha. Yan wenten sinalih tunggal pacang nahur sosot wyadin punagi, saluwiring punagi, gumanti sane patut nganggen pamegat sot, tan dados nahur sot yan tan kalaning dina piodalan bhatara Khayangan Tiga. Ngadasa dinayang haci-aci, sang pacang nahur sesangi punagi patut sampun masadok ring salah sinunggil Pemangku Khayangan Tiga. Punagi punika wawu kalaksanayang yn sampun Ida sulinggih mapuja muput pangodale.

- na. Yan wenten sinalih tunggil pacang nahur sesangi maturan swaran tetangguran salwiring tatabuhan, sasolahan, minakadi salwiringipun, mungguwring pratiya punika sami kahangganin antuk sang masasangi.
2. Sang sapasira hugi ngaturang jinah, miwang sarupaning barang, punika sami patut kahunadikayang antuk prajuru desa, mangda kasidhan mapwara hayu. Haturan punika kahunggahang sajroning lekita.
 3. Sesarin canang kakumpulan sesampun puput pangaci-aci pujawali, raris kawilangin. Kahunadikayang majeng ring prajuru desa. Indik tatiwakan kalih pamarginipun sangkaning jati nirmala.

PALET 2

Indik Resi Yadnya

Pawos 40

1. Sang pacang madeg Pandita utawi Pinandita minakadi Balian sonteng, Kubayan, Dalang, saluwire jagi nganter Yadnya, patut mesadok ring Prajuru Desa Kalih Parisada Hindu Dharma,
2. Prajuru Desa Pakraman patut ngewastanin tur uning mlalangin, prade wenten kecihnan miwah dresta, tur sareng nyaksiang upacara saha nyilarang ring panuman Desa tegap rauhing kewenangan pengenter Yadnya.

Pawos 41

1. Prajuru Desa mamatut pisan, krama desa sane madruwe Yadnya ngaturang punia ring sang sane muput, manut ageng alit yadnyane,
2. Prajuru Desa patut nyanggra mangda sepemargin yadnyane becik.

PALET 3

Indik Pitra Yadnya

Pawos 42

1. Pemargin upakara sawa, hugi manut linging sastra agama Hindu, wenten makudang-kudang soroh, sekadi hinucap ring sor puniki :
 - ha. Mependem ring Pratiwi.
 - na. Makingsan ring geni.
 - ca. Atiwa-tiwa, utawi ngaben.

1.
 - a. Yan iwa durung makupak huntu, was kaput hodehantaka, wenang nganggur pangendat banghang masadhana kalungahi ketapa gading, ngran ngakungahi, tan wenang linwakan.
 - b. Dewatmaning telegenan krama prade wenten salah sinunggi kelayu setra (pede) patul.
 - c. Nyadokang ring Prajuru Desa tur nunas tetimbang ring kawentenan.
 - d. Ngaturin krama Banjar ngeremba mekarya eteh-etei saha kedutun penyembrama canang sesidan antuk, ngantos ngeremba nganter ke setra.
2.
 - a. Ngerembat sawa, tan kedadosang :
 - b. Ngumbang ambing sawa.
 - c. Ngeruntuhang sawa.
 - d. Ngerusak sahananing runtutan upakara sawa.
 - e. Ngerarabin karang, tegal lan carik.
3. Sang eapa sira hugi krama desa, tan kawasa makta sawa ka Desa Pakraman, yan sawa ika sampun keni pangupakara sawa. Yan wenten mamurug, yogya katiwakin dandha mrayascita, marisuda Desa utawi sane ngerecedhana.
4. Saluwiring upakara atilwa-tilwa, palebon, ngaben, ring setra hugi kawenanganya, tan wenang ring desa pakraman, sejaba layon Ida Sulinggih. Yan wenten mamurug, wenang kedandhain marisuddha Desa, krama desa sang atalung dandha mamut mapangarga beras 2 (kalih) kg kang adit.
5. Yan wenten krama desa ngurug sawa, macamana, mabersih, kawenanganya : tan kalagra lintangan ring tigang sasih ngawit saking dina seda, yoga pumama lilem, miwah saluwiring upacara rerahinan.
Yan kalaning ngurug sawa, sajeroning Desa Ngis ngawangun karya agung kantos nyuci gening, luwire Matabuh gentuh, Bhatara Turun Kabeh, Karya Agung ring Besakih, Karya Agung ring Lempuyang, yogya tumpang salune ledunang sakeng balene, genahang ring natah umahe, sakeng Bhatara kodhal kantos masineb, sejaba layon Ida Sulinggih.
6. Tan wenang nyekah sawa yan tan macamana, mabersih lintangan ring roras dina, ngawit saking dinane seda. Yan wenten mamurug, dandha gung arta mapangarga 10 (dasa) kg beras, saha marayascita desa.
7. Sang eapa sira hugi krama desa Ngis tan wenang atilwa, ring takalaning pangaci-aci desa lwire : Patoyaan ring khayangan Tiga, Pura Bhatara Turun Kabeh, Tabuh Gentuh, minakadi Karya Agung sawosan :
 - a. Yan piodalan pathirtaan ring Pura Khayangan Tiga, Pura Beji saking nyolas rahina aci-aci kantos Bhatara pupuf masineb.

- na Yan karya Agung Tabuh Gentuh, Bhatara Turun Kabeh, mina kadi salwiring Karya sane nguci gening, saking ngawit nguci gening kantos Bhatara puput masineb.
- ca Yan kalaning Bhatara ring Besakih lungha makekobok ke Klotok, saking nigang dinanyang Bhata lunga, kantos Ida Bhatara mawali saha sampun rawuh ring Besakih.
- ra. Yan wenten mamurug pawos 38 palih 6 aksara ha, na, ca ring ajeng, dandha mrayascita Desa, saha krama desa sane matulung dandha gung arta manut pangarga 2 (kalih) kg beras kang sadiri.
9. Yan wenten krama mendem sawa kalanig dina malarang, kawasa, nanging hugi masawen nanging magegumuk, laku kinsanngaran, gagumuk tan dados nganggen semen.
10. Yan makingsan ring geni, sawa gineseng, hasti hinanyut, manut krama. Yogya nganggen tirtha pabersihan. Mungguwing dewasa, sor ipun dewasa marginin mendem sawa.
11. Indik padewasaan :
- ha Padewasaan mendem ring pratiwi, makingsan ring geni, wenang katiwakang antuk Prajuru Desa.
- na Padewasaan atiwa-tiwa katiwakang antuk Ida maangga Sulinggih sane pacang muput, yogya sampun kapatut antuk Prajuru Desa.
- ca Indik rahina larangan ngupakara medem sawa, sajaba ngunggahang tumpang salu, sane kamanggehang ring sajeroning Desa Pakraman Ngis inggih punika :
- 1) Rahina Pasah (Besaya)
 - 2) Kala gotongan : Sukra Kliwon, Saniscara Umanis, lan Redite Paing.
 - 3) Semut sadulur : Sukra Pon, Saniscara Wage, Redite Kliwon,
 - 4) Was Pengantenan :
 - Wuku Tolu : Redite Kliwon lan , Saniscara Umanis.
 - Wuku Dungulan : Redite Paing, Saniscara Pon.
 - Wuku Krulut : Redite Wage, Saniscara Kliwon,
 - Wuku Menail : Redite Umanis, Saniscara Paing.
 - Wuku Dukut : Redite Pon, Saniscara Kliwon.
 - 5) Kalaning saasih kapat, ngawit pananggal kantos husan ngusaba Emping, tan dados ngaben minakadi nyekah, nginepang sawa ring karang pomahan. Sejaba Sulinggih, Pamangku khayangan Tiga, nanging patut macamana munggah ketumpang salu, patiwon yogya sahusan ngusaba Emping.
 - 6) Yan wenten mamurug, indik rahina sekadi ring ajeng, kapidanda gung arta mapangarga 10 kg saha mrayascita desa.

- ra Tan wenang ngagah ngulung utawi ngagah nakil, tegesipun sajroning setra tunggil tan dados mershin sawa, nuju dina pangudangan, yan ring setra punika wenten ngalaksanayang pengabaran. Yan mamurug dandha gung arta mapangarga 20 kg saha mrayascita desa.
- ka Yan pacang mendam sawa, tan kalugra ngunjalin, yan mamurug mamurug dandha gung arta mapangarga 10 kg saha mrayascita desa.
- da Tan dados ngalangkari gunung, tegesipun : Rahina mangkin wenten malih kalih rahinane tan dados mamargi mendam. Kewanten dados makinsan, nanging magegumuk. Yan wenten mamurug dandha gung arta mapangarga 25 kg saha nyaronin setra.
12. tan dados ngebet sawa sadina-dina. Tegesipun : sajroning setra tunggil, yan wenten ngaben lintang ring adiri, nyawa preteka, nyawa prenawa, sang pacang nyawa prenawa patut nguwuk sawa sinarengan ring sang pacang mretakamabersih ring setra. Yan wenten mamurug dandha gung arta mapangarga 25 kg saha mrayascita setra.
 11. Sijroning adina, tan kalugra ngaben sareng tatga, yan sowang-sowang ngabenang sawa matahipun sawa tan polih mapendem ring setra. Yan wenten mamurug dandha gung arta mapangarga 25 kg sawiji saha nyaronin setra sinarengan.
 12. Tan kalugra ngaben sadurung puput marerebu, mesesapuh, sang makarya ngaben rihinan. Yan wenten mamurug dandha gung arta mapangarga 25 kg saha nyaronin setra.
 13. Yan wenten sawa tan kapariangken ring wawengkon Desa Pakraman Ngis, hingaran bedagan desa, tan mikolihang setra padruwen desa.
 14. Yan sawa sangkaning salah pati, angulah pati, kapengawan, minakadi salwiripun, Desa tan ngelaranginyan sawa punika tiniwaken, premangke. Sara ledang sang madruwe minakadi Ida Sang Sulinggih (Brahmana) sane pacang muput.
 15. Yan wenten sawa genahe seda wiyadin padem sejabaning karang pomahan, lwire : Ring tegal, carik, Pura, Pasar, Banjar, Sekolahan, minakadi genah sawosandudu karang pomahan. Yogya sang madruwe wirange myarscita marisuda genah punika, Yan sawa tan kapariangken, genah punika patut kaparisuda antuk sang madruwe hemponan.

Pawos 43

Indik Angatma wedhana

1. Sang sapasira hugi, krama yan kalaning angatma wedhana lwire : ngeroras, Mallgia, tan wenang ngawangunang payadnyan, petak, ring palemahan Pura Khayangan Desa, mina kadi khayangan siosan.

2. Sang sapasira hugi, krama wus ngawangun angtma wedhana, yogya karang payadnyan punika pralin, sekasepipun petang dasa kalih dina karyane.

Palet 4

Indik Manusia Yadnya

Pawos 44

1. Manusia yadnya inggih punika : Upakara darmaning manusia ngawit sakeng patemoning kama bang sareng kama petak sajroning garba, ngantos kelayu sekar kawekas.
2. Upakara sekadi ring ajeng madudonan sekadi ring sor puniki :
ha. Magedong-gedongan, duk pengerempinian ibiyang.
na Duk sang rare embas.
ca Kepus udel,
ra Roras rahina,
ka Tutug kambuh, asasih pitung rahina.
da Tigang sasih,
ta Pawetun utawi otonan,
sa Tigang otonan (plekutus sasih)
wa Tutug kelih, ngeraja wadon (ngembakin)
la Metatah / mepandes,
ma Pawiwahan,
ga Pawintenan.
ja Upacara-upaca inucap kawentenang nista, madya, utama nganutin dresta kuna mina kadi sastra agama.
3. Sang sapasira hugi krama desa ngawangun saluwiring upacara manusia yadnya, tan wenang megenah ring wewidangan palemahan khayangan panyiwian desa, yan kapurug wenang kadandha 25 kg beras saha mrayascita marisuda pura punika.
4. ~~San~~ kalugra mawinten mejaya-jaya magenah ring Pura khayangan sinalih tunggil, krama sane jagi kehadegang dados pemangku khayangan Tiga lan Prajuru Desa.

Palet 5

Indik Bhuta Yadnya

Pawos 45

1. Bhuta Yadnya inggih punika : merupa upacara byakala, ring pertiwi lan khayangan Sarwa Prani, saha upacara – upacara ring bebhutan,
2. Upacara pabyakala ring sarwa Prani luire :

- ha. Ring sarwa timuhun ritatkala Tumpek Pengatag, rahina Saniscara Kliwon wuku Warigadean,
- na. Ring sarwa ingon-ingon ritatkala Tumpek Kandang, rahina Saniscara Kliwon wuku Uye,
- ca. Upakara pekala-kalaan manusa / manut widana, kebaos pabyakala,
- 3. Upacara pabyakala ring Pertiwi, Khayangan lan Bebhuta kawastanin mecaru,
- 4. Pecaruan inucap ring ajeng nista, madya, utama manut wiguna kadi ring sor :
 - ha. Kesato,
 - na. Panca Sato,
 - ca. Panca Sanak,
 - ra. Resi gana,
 - ka. Tawur Agung,
 - da. Panca Kelud,
- 5. Sejawaning upacara ring ajeng, kawentenang upacara :
 - ha. Yadnya Sesa utawi ngejot nyabran rahina wusan ngerateng,
 - na. Mesapuh, sapuh ritatkala panca wali ring Pura.

Pawos 46

- 1. Nangken ngewarsa ritatkala Tilem Kesanga, kawentenang Tawur Kesanga, ketah bawose ngerupuk, makacihna pacang mapag Penyepian,
- 2. Upacara Penyepian sane kemargiang antuk Krama Desa, Catur Berata Penyepian :
 - ha. Amati geni, : tan kengin meapi-api,
 - na Amati karya : tan kengin mekarya,
 - ca Amati lelungan : tan meoneng-oneng, mesuara gora lan sepenungilannia.
 - ra. Amati lelungan, : tan kengin melelungan.
- 3. Peberataan Inucap kemargiang saking semeng metengeran suaran kulkul kantos benjang semeng, taler matengeran suaran kulkul mecihna ngembak.
- 4. Sang memurug kecaping ajeng, keni pamindanda manut perarem Banjar utawi Desa soang-soang, kemargiang antuk patelik (lang-lang / pecalang).
- 5. Riwus rahina Nyepi (benjangnyane), maka cihna pengawit Isaka Warsa patut soang-soang Desa sami ngaksama.

SAT SARGAH
SUKERTA TATA PAWONGAN
PALET 1

Indik Pawiwahan

PAWOS 47

1. Pawiwahan inggih punika patemoning purusa lan prejana, melarapan panunggalan kayun suka cita kaduturin upasaksi sekala niskala.
2. Pemergin pawiwahan luripun :
 - ha. Pepadikan kesaksinin antuk Prajuru Adat,
 - na. Ngermod inggih punika, merangkat nyin wawu kekurenayang, wates pejajian, peneregteg sesuwennyane arahina sejaba ngelintangin segara.
 - ca. Nyentana inggih punika, sane lanang megenah ring wadone lan nenten kanton ngemanggehang swadamaning purusa
 - ra. Nyebutin inggih punika, sane lanang megenah ring wadone sakewanten kanton ngemanggehang swadamaning purusa.
3. Pidabdang sang pacang mawiwahan patut :
 - ha. Sampun munggah deha teruna (presida nganutin undang – Undang Perkawinan),
 - na. Sangkaning pada rena,
 - ca. Manut kecaping agama Hindu utawi tan gamia gamana.
 - ra. Mewisuda yan prade wenten pengambilan tios agama miwah kepatiwangi.

Pawos 48

1. Pawiwahan sane kepatutang ring sawengkon Desa Pakraman Ngis sekadi ring sor :
 - ha. Sampun kemargiang biyakala utawi pesakapan tur kesaksiang sekala niskala olih Pandita utawi Pinandita,
 - na. Wenten upesaksi Prajuru Desa miwah Kelihan Banjar Adat lan Dinas, Kepala Desa sane mapakelingang utawi ngelekitayang pawiwahan,
 - ca. Sampun meterag ring Desa Adat nuju Pecaruan Desa (Tilem Kawulu),
 - ra. Pawiwahan inucap ring ajeng sampun kecatatatang ring Kantor Camat Utawi ring Kantor Catatan Sipil Kabupaten.
2. Pawiwahan sane nenten manut ring ajeng, kasinanggeh nenten sah.
3. Tata caraning pawiwahan patut kadi ring sor :

Sapa sira pasang ngewarangang pakulewarga, patut mesadok ring Prajurit Desa
selanturia Prajurit maritatas manut kecap perabiane :

na. Pamargin Pepadikan, manut dudunan : Pateman kulawangan lanang waden
jantes pang tiga

- 1) Keluarga lanang reuh ring keluarga istrine ngawatangan pesadok.
- 2) Malih ngawetangang bebass utawi pepadikan,
- 3) Makta jsauman kabass pamuput pepadikan.
- 4) Risampun maperagat raris wadone keajak budal ke pekuben lanangs raris
selanturang antuk pabiyakaan.
- 5) Mangda lulus sekala lawan niskala raris kulawarga purusa makta pejat ring
mesejan kemulan wadone,

na. Pamargin Perabian nyentana wiadin nyeburin patih sekadi pamargin pepadikan,
sakewanten pabinayan ipun, sene meraga lanang megenah ring genah
wadonen.

ra. Pamargin rangkat ngereret manut dudonane :

- 1). Reraman lanangs ngewentenang pejati antuk duta petang diri sersgap
nyungklit tur mewar-war.
- 2). Malih tigang rehina, wirang lanangs ngemargiyang duta kadi ring arep malih
mawasta mapilaku, daging nyane : kulawangan lanangs katunasang
gengrena pengampura, arep ring reraman kalih kulawarga wadone,
- 3). Malih tigang rehina, wirang lanangs ngemargiyang duta kadi ring arep malih
mawasta maperadang, daging nyane : Mawasang Indik psmuput rangkate,
Prads lan terima pang tiga, kelenturang ring samawerat.
- 4). Sadurung reraman wadone ledang, ngantane lan dados medal sakeng
pasngkaban,
- 5). Selantur ipun meserah, ngatjah base wakulan patih sekadi dudunan
pepadikan.

4. Pakerat kabayan mapiteges upakara linas apadang(puput) dwaning manut manut
kadi ring sor :

na. Sajeroring kabawas amba kelaksanayang ring sekala lawan niskala antuk
serasa jsauman mawah pepadikan :

- 1). Jsajuman pinaka ngamba utawi ngadungang kayun sareng pskulawangan
wadone,
- 2). Wfakidane pinaka, pejati niskala nunas wadone ring mesejan Kemulan.

na. Sajeroring kabawas kerah pelaksanaan ring sekala :

- 1). Antuk penyekel Krama Desa durung ketarag antuk sjang ring Pusch,

2). Penekas penyakal Prajuru sahe ngelekitayang.

5. Yan wenten anak istri krama desa, kerangkatang antuk sang sapa sira hugi, lwiw anakaaking dura desa, yan kantos arahina ring awengi saking dina malinggal saking jumlah tan wenten pejati, yogya sang madruwe wirange nunas kanti ring Prajuru Desa, mangda ngemangiyang saserepan. Yan sampun sinah genahnya ngeraris kamangiyang panegteg tan kawasa makta sahananing sanjata, saha nunas kanti ring sang amawerat.
6. Sang sapa sira hugi krama desa, yan karawuhan tamyu praya masinutan malarapan antuk ngemrod, hugi mangda masadok mihuning ring Prajuru desa. Prajuru desa yogya maritetes, yan sakaning tan patut pemangi rangkate, Prajuru Desa nuduhang mangda katur ring sang amawerat. Yan wenten mamurug, yogya sang mamurug keni dandha gung harta 25 kg.
7. Yan wenten krama desa ngamet anak istri antuk melegandang, memadet, marikosa, miwah saluwiripun, tan sangkaning sami demen, tan yogya pinuput widhi-widhana pawiwahannya sadurung wenten pamutus saking guru wisasa.
8. Yan wenten krama sakeng dura desa, pacang muput rangkat ring sawengkon Desa pakraman Ngis, sang madruwe wirang luh, yogya nunas upasaksi ring Prajuru desa, sinalih tunggal Prajuru Desa mangda wenten ngerahuin, tur wirang lanange patut ngaturang panebas gung arta 25 kg beras.
9. Yan wenten salah sinunggil krama desa ngamet anak istri pinaka rabi, tan manut sima dresta mina kadi sastra agama, yogya katur ring sang amawerat mangda kabawosin saha polih pamutus.

PALET 2

Indik Belas Utawi Nyapian

PAWOS 49

1. Sane kasinanggeh nyapian, punika sang palas makurenan, inggih punika krama sane sampun alaki rabi palas perabianne pada lasya utawi sangkaning mawiwit wicara. Krama sane jagi palas merabian, patut atur upeksa ring Prajuru Desa tur Prajuru Desa wenang mapaica tetimbang patut tan kapatut pemargin palase. Prade kapurug krama inucap kapidanda mapengarga satus (100) kilo gram beras.
2. Prade tetimbang utawi pemutus Prajuru tan katinutin, Prajuru patut ngerahuang wicariania ring sang amawerat. Risampun wicariania polih pamutus olih sang

amawerat lan pamutuanyane pateh sekadi pamutus Prajuru, kasinanggeh iwang, patut keni pamkanda satus (100) kilo gram beras.

3. Yan wenten ainalih tunggal krama desa, ngerangkatang nyapiyan punika sadurung mawaneng tigang sasih utawi 105 rahina saking dina palse, yogya sang ngerangkatang nyapiyan punika keni dandha gung arta 25 kg beras.
4. Yan wenten anak istri wit saking wawengkon desa pakraman Ngis, nyapiyan mawali karang dehe yogya sang madruwe wirang matur tupeka ring Prajuru Desa, saha mrayascita marisudha anake luh punika. Yan tan kaparisudha antuk wirangnya, patut marisudha raga, mangda kabawos nirmala.
5. Yan wenten anak istri nyala saking kurenan ipun lamin nyane katos 12 rahina tur sampun polih paneregteg pang tiga saking kurenan ipun, saha sampun katur ring Prajuru Desa wenang Prajuru desa mawosin.

Indik Balu

PAWOS 50

1. Sane kabawos balu, anak istri katinggal seda antuk rabine (lanang), yan anak lanang seda rabine (sane istri), wiyadin katinggal nyapiyan.
2. Yan wenten krama desa balu utawi nganeh tan keni peayahan saurah-arih, selami okannyane mungga dehe.
3. Yan wenten anak balu kandugi merangkat, yogya rangkat punika kapuputang antuk wirang lakine rihin, yan bebalon punika kanton pageh.
4. Mungguhing wawenangan babalon luh utawi rangda, ring indik warisan, mina kadi sane sawos-sawosan setinut ring huger-huger sane kerajegang antuk guru wisasa.

Palet 4

Indik Sentana

Pawos 51

1. Mungguhing sentana wenten kalih soroh :
ha. Pratiti sentana : Inggih punika wantah putra temen,
na Sentana paperasan : Inggih punika wantah sentana antuk meras utawi ngangkat.
2. Prade rabine tan kapatut ngemetuang sentana, mangda tan kaucap cuntaka patut kamanggala antuk upacara prayascita.

3. Ngangkat sentana manut tata cara, maka cihna upakara peperasan saha kaupasaksi sekala niskala,
4. Sapasira ugi jagi meras sentana patut mesadok ring prajuru Desa senistannia mesuwe asasiin sadurung pemerasan kelaksanayang,
5. Prajuru patut nyiarang sawidangan Desa Pakraman Ngis,
6. Prajuru mawosin saha ngicenin pamutus manut catur dresta miwah perarem,
7. Peperasan kasinanggeh kapatutang ring Desa Pakraman Ngis nisampun maka cihna:
 - ha. Widwidana peperasan,
 - na. Kesaksiang antuk Prajuru Desa saha kasiarang ring paruman utawi pesangkepan,
 - ca. Wenten lekita ungguhan tatasulur pemargin peperasan majeng ring sang amawerat.
8. Sane patut keperas keanggen sentana sekadi ring sor :
 - ha. Anak meagama Hindu,
 - na. Pepemahaman nedunang saking sang kengin meras,
 - ca. Keluarga saking purusa, yan tan wenten kengin ring sejeroning padadian
 - ra. Tan kengin ngangkat sentana rangkungan ring adiri.

Palet 5

Indik Warisan

Pawos 52

1. Warisan inggih punika tetamian arta berana saha ayah-ayahan ngupadi sukerta sekala niskala saking keleluhurannia marep ring turunannia, Sane keucap warisan luire :
 - ha. Hamong-among ring Desa, ayahan saurah-arih,
 - na. Hutang piutang sang kawarisin,
 - ca. Druwe Tengah, Karang, Paumahan, merajan lan sapenunggilan ipun,
 - ra. Pegunakayaan, tetatadan, jiwadana, utang-piutang lan sapenunggilannia
2. Wawu kengin kesinanggeh warisan prade :
 - ha. Wenten sang seda utawi pewaris,
 - na. Wenten turunannia utawi pewaris,

- 4). Paweh pewaris maka cihna jiwadana tetadtadan tan dados rangkungan ring apah tigaan arta saking berana padruwen pewaris.
7. Prade pewaris rangkungan ring asiki patut :
 - ha. Kawentenang paigurn dumun ring sejeroning sami waris,
 - na. Yan tan sida patut ketunasang ring kerta Desa utawi Prajuru Desa,
 - ca. Prade tan cumpu ring penepas Prajuru Desa kengin selanturnia nunasang ring sang amawerat,
 - ra. Prade pamutus sang amawerat pateh ring pemutus Prajuru Desa sang nunas bebawos kedanda mapengarga satus (100) kilo gram beras.
8. Prade wenten anak balu kantun jenek magenah ring jero rabine among dados muponin sapedruwen rabine, tan kedadosang ngadol, ngadayang wiadin ngesahang tanah, tegal, carik lan karang sejawaning sampun polih kesetujuan utawi sampun kecumponin olih waris rabine.
9. Krama sane ngenahin karang Desa, benjang pungkur sane patut jagi ngewarisin oka lanang.
10. Yan krama sane ngenahin karang Desa sekadi pawos 48 kecaping 5 ring ajeng punika campur, sane kepatutang ngewarisin karang Desa punika waris pinih nampek lanang pinih alit tur durung medruwe karang.

SAPTAMA SARGAH
WICARA LAN PAMIDANDA

PALET 1

Indik Wicara

Pawos 53

1. Sane wenang maosin minakadi mutusang wicara ring Desa, inggih punika Prajuru Desa : wenang maosin prade krama sane mewartu mesiosan Banjar, sakemaon kantun sapenunggalan Desa Pakraman Ngis.
2. Dudonan maosin saha muputang wicara warga Desa kadi ring sor :
 - ha. Prade pemutus Prajuru Desa tan kecumpunin, ketincapang pinunas nyane ring paruman Desa sane kasinanggeh pamutus.
 - na. Prade pamutus paruman Desa taler tan kecumponin, lantur ketunasang ring sang amawerat.
 - ca. Prade pamutus sang amawerat pateh sekadi pemutus ring paruman Desa, patut sang mewartu sane tan setinut punika kekeninin dedosan geng arta mepengarga 300 (tigang atus) kilo gram beras.
3. Sahananing wicara mawiwit kacorahan saluiringnia kasinanggeh nungkasin daging awig-awig, paswaran miwah perarem Banjar / Desa, Prajuru, patut digelis maosin tan nyantos pesadok.
4. Sejaba wicara ring ajeng, patut nyantosang pesadok ring sang nunas bawos,
5. Penepasnia patut pastika nyantenang iwang patut melarapan Tri Premana (saksi, ilekita, bukti) miwah tan maran nepak ring catur dresta.

PALET 2

Indik Pamidanda

Pawos 54

1. Desa wenang niwakang pamidanda ring warga desa sane sisip,
2. Paniwakan inucap kemargiang olih Prajuru Desa,
3. Bacakan pamidanda luire ipun :
 - ha. Ayahan punukun kasisipan,
 - na. Danda arta (dosa, danda saha panikel paturunan, penikel pianak jinah),
 - ca. Kedaut karang ayahannia, utawi kesepekang,
 - ra Kawaliyang pipil nyane (kawusang mekrama).
4. Pamidanda sane ketiwakin patut masor singgih manut kasisipanne,
5. Jinah utawi arta brana pamidanda, ngeranjing dados druwen Desa.
6. Krama sane langkungan ring tigang paruman nenten naanin tedun, nenten naur urunan utawi pianak jinah utawi utang, patut ketiwakin paiwang patut olih Prajuru Desa.

ASTAMA SARGAH
NGUMAH NGUMUWIN AWIG-AWIG
Pawos 55


1. Ngumwah ngumuhin awig-awig Desa puniki, patut kemargiang antuk paruman Desa,
2. Paruman inucap mangda kedasarin antuk pekarsan Krama Desa Adat yadiastun kemedalang olih Prajuru Desa sinunggil wiadin sinarengan,
3. Awig-awig puniki kemargiang ngawit kaingkupin (karamamin).
4. Sakeluwiring sane wenten sederengna patut kanutang ring sedaging awig-awig puniki,
5. Sakeluwiring sane durung kebawos sejeroning awig-awig puniki, patut kemargiang manut tata cara sane sampun ketah memargi kaduluring antuk perarem,

NAIVAMA SARGA
PAMUPUT
PAWOS 56

1. Awig-awig puniki kawastanin "Awig-Awig Desa Pakraman Ngis".
2. Awig-awig puniki kemargiang, kelaksanayang tur kesungkemin ring paruman.
3. Awig-awig puniki kasungkemin ring paruman duk rahina Anggar Kasih Tambir Pinanggal 12 sasih Kesanga ngunya Kawulu icaka warsa 1930 tanggal 18 Maret 2008 (masehi) ring Balai Agung Desa Pakraman Ngis.
4. Awig-awig puniki kelingga tanganin antuk Prejuru Desa, kasarengin Klian Banjar Dinas Ngis Kelod miwah Kaler, Perbekel lan kapikukuh antuk Bupati Karangasem.

Kelihan Desa Pakraman Ngis,

Bendesa Adat,


I Ketut Denes

Kepala Dusun Ngis Kaler

I Ketut Suardana


Bupati Karangasem

I Wayan Geredeg


Awig-awig Desa Pakraman Ngis



Penyarikan,


I Wayan Putu Suardana Antara

Kepala Dusun Ngis Kelod


I Gede Reti Arsana

Kepala Desa Tri Buana

I Wayan Geden